



Broj: 02-04-1-1709/23
Maglaj, 12.10.2023. godine

ZAPISNIK

Sa 1. tematske sjednice Općinskog vijeća Maglaj
održane dana 12.10.2023. godine u 15:00 sati u Sali Općinskog vijeća
JU Dom kulture «Edhem Mulabdić» Maglaj

Predsjedavajuća Aida Bašić: Na osnovu člana 59. Poslovnika o radu Općinskog vijeća Maglaj, zaključaka Kolegija od 27.09.2023.godine, otvaram 1. tematsku sjednicu Općinskog vijeća Maglaj. Na današnju sjednicu pozvani su vijećnici iz parlamentarnih političkih stranaka: SDP, SDA, A-SDA, DF, HDZ BIH, i samostalni vijećnici Elvir Vehabović, Mustafa Bešić i Mirza Mešić. Poziv za sjednicu dostavljeni su OSCE terenskom uredu u Travnik, i sredstvima informisanja koji prate rad današnje sjednice Općinskog vijeća.

Pozvan je Općinski načelnik, rukovodioci općinskih Službi, Općinska pravobraniteljica, kao i predstavnici čiji materijali će biti razmatrani na današnjoj sjednici Općinskog vijeća.

Također su pozvani i zastupnici u Skupštini Zeničko-dobojskog kantona gospođa Emira Drnda-Čičeklić, gospodin Jasminko Kapić i gospodin Hajrudin Fermić.

Sve vas pozdravljam i pozivam da svako na sebi svojstven način odamo dužnu počast onima koji su svoje živote ugradili u zemlju, domovinu nam Bosnu i Hercegovinu i svim žrtvama rata.

Molim predstavnicu Službe Općinskog načelnika i Općinskog vijeća, da prozivkom vijećnika utvrdimo broj vijećnika na 1. tematskoj sjednici Općinskog vijeća Maglaj.

Današnjoj sjednici Općinskog vijeća prisustvuju 25 vijećnika. Konstatujem da Općinsko vijeće može punovažno raditi i odlučivati i donositi Odluke, zaključke i rješenja, čime je ispoštovan član 88. Poslovnika o radu Općinskog vijeća Maglaj.

Na samom početku pozivam članove Kolegija Općinskog vijeća da održimo kratki sastanak. Nastavljamo dalje poslije kratkog sastanka članova Kolegija. Obzirom da se radi o tematskoj sjednici, na današnju sjednicu pozvani su članovi menadžmenta Komunalnog javnog društva, također pozvana je predsjednica Nadzornog odbora kao i članovi. Vidim da su prisutni i ja vam se zahvaljujem na dolasku. Također prisutan je i predsjednik Sindikada Komunalnog javnog društva Maglaj. Možemo nastaviti dalje. dužna sam da napomenem da je Općinski načelnik gospodin Mirsad Mahmutagić opravdao svoj izostanak jer je morao ići na dženazu ratnom komadantu rahmetli Esadu Hidiću. Otvaram raspravu po pitanju Dnevnog reda, da li ima prijedloga za proširenje Dnevnog reda? Nema, zatvaram raspravu. Obzirom da nema prijedloga za današnju tematsku sjednicu predložen je sljedeći Dnevni red:

DNEVNI RED

1. Analiza stanja sa prijedlogom sanacije i finansijske konsolidacije po svim djelatnostima za period od tri godine, uključujući i plan unutrašnje racionalizacije materijalnih i kadrovskih resursa broj: 01-1312-3/23 od 11.09.2023. godine (Analiza sadrži i polugodišnji izvještaj o poslovanju)
2. Odluka o utvrđivanju cijena isporuke vode, odvodnje kanalizacije i prikupljanja i odvoza komunalnog otpada broj: 01-1312-3-1/23 od 11.09.2023. godine

3. Odluka broj: 01-1312-3-2/23 11.09.2023. godine o izmjeni Odluke o formiranju cijena pijačnih usluga na Gradskoj pijaci u Maglaju broj: NO-4/19 od 18.02.2019. godine
4. Prijedlog Odluke o standardima pružanja komunalnih usluga vodosnabdijevanja, odvodnje otpadnih voda i prikupljanja i odvoza komunalnog otpada
5. Prijedlog Tarifnog sistema za obračun usluga isporuke vode, odvodnje kanalizacije i prikupljanja i odvoza komunalnog otpada
6. Prijedlog Odluke o davanju saglasnosti na Odluku o usvajanju Revizije finansijskih izvještajaza period 01.01. – 31.12.2022. godine
7. Prijedlog Odluke o davanju saglasnosti na Odluku o pokriću gubitka za 2022. godinu.

Predsjedavajuća Aida Bašić: Predloženi Dnevni red stavljam na glasanje, ko je za?

Glasalo za : Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Anida Šahman, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Aida Bašić (A-SDA). Pero Mamić (HDZ BH), Aida Hadžić (DF), Elvir Vehabović (samostalni vijećnik), Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bejzić, Eldis Kusr, Edin Osmić (SDA), Mirza Mešić (samostalni vijećnik).

Glasalo protiv: Nema.

Uzdržanih: Nema.

Konstatujem da smo jednoglasno usvojili predloženi Dnevni red.

AD 1. Analiza stanja sa prijedlogom sanacije i finansijske konsolidacije po svim djelatnostima za period od tri godine, uključujući i plan unutrašnje racionalizacije materijalnih i kadrovskih resursa broj: 01-1312-3/23 od 11.09.2023. godine (Analiza sadrži i polugodišnji izvještaj o poslovanju)

Predsjedavajuća Aida Bašić: Krenut ćemo s tačkom 1. Analiza stanja sa prijedlogom sanacije i finansijske konsolidacije po svim djelatnostima za period od 3 godine, uključujući i Plan unutrašnje racionalizacije materijalnih i kadrovskih resursa broj: 01-1312-3/23 od 11.09.2023. godine, analiza sadrži i polugodišnji izvještaj o poslovanju. Obzirom da je ovdje gospođa Azra Pepelar a koliko sam upoznata ona će biti nam uvodničar po ovoj tački, te je molim da nam se obrati. Otvaram raspravu naravno.

Azra Pepelar: Poštovani vijećnici, članovi Nadzornog odbora Komunalnog javnog društva, radnici i ostali prisutni, želim da vas pozdravim i poselamim i zahvalim na prisustvu ovoj tematskoj sjednici. Na početku bih zamolila da se držimo teme i problematike koja je danas na Dnevnom redu. Osnov za izradu dokumenta je zaključak Vijeća od dana 22.06.2023. godine Služba za zajedničke poslove Komunalnog javnog društva je u saradnji sa ostale dvije organizacione jedinice u društvu vodovod i komunalije aktivno radila na izradi Analize stanja sa prijedlogom sanacije i finansijske konsolidacije po svim djelatnostima, uključujući i Plan racionalizacije materijalnih i kadrovskih resursa uz dostavljanje polugodišnjih izvještaja o poslovanju, bilansima stanja, koeficijentima likvidnosti i ekonomičnosti za protekle tri godien i ostalim izvještajima koji su traženi od strane Općinskog vijeća. Tematska sjednica zakazana je u periopdu postupka izbora i imenovanja direktora društva, te bi Program i plan sanacije i viziju budućeg direktora trebalo čuti i Općinsko vijeće jer će navedeno budući direktor i provoditi. Razlozi za usklađivanje, ne bih rekla povećanje cijena već usklađivanje sa inflacijom i dugogodišnjim neradom po pitanju cjenovnika. Podsjeti ću cjenovnik za vodu donesen je 2003. godine a cjenovnik za utovar i odvoz otpada 2009. godine su kulminirali enormnim povećanjem cijena energenata na tržištu, cijenama materijala rezervnih dijelova, usluga dobavljača kao i

povećanje najniže cijene rada. Radi se o minimalnim korekcijama cijena i dalje je komunalno među najnižim u kantonu, možda čak i u regionu koji će održati funkcionisanje preduzeća u periodu od 2 godine i omogućit će dalje napredovanje poslovanja te najvažnije građanima nastaviti pružati kvalitetnu uslugu. Plaćanje odvoza smeća, isporuke vode i odvodnje kanalizacije najnormalniji troška u demokratskim društvima a cjenovnik odvoza smeća neće značiti poskupljenje već jednak tretman svih korisnika, princip pravednosti. Komunalnom društvu nije cilj povećati cijenu usluga već zadržati kvalitetu usluga. Inače, naše društvo već godinama ima pohvale od strane vijećnika, građana, pa čak i naših komšija u regionu i u pružanju usluga je jedna od boljih firmi na području kantona. Ja bih vam iako imate materijale, možda ovako prezentovala kratko analizu stanju i problematike u društvu. Komunalno javno društvo je osnovano Odlukom, Općinskog vijeća Maglaj 2008. godine te je organizovano odnosno osnovano kao javno preduzeće u obliku društva sa ograničenom odgovornosti koji obavlja djelatnosti od javnog i društvenog interesa. Osnovna djelatnosti kojom se preduzeće bavi je sakupljanje i pročišćavanje i distribucija vode. Osim snabdjevanja vodom, preduzeće se bavi i prikupljanjem, odvozom i odlaganjem komunalnog otpada, upravljanje javnim parkiralištima na gradskom području Maglaj, upravljanje gradskom pijacom, upravljanjem grobljem Borik i održavanjem javne higijene i zelenila i zimsko održavanje gradskih ulica. Zakon o komunalnim djelatnostima prije uvoda u djelatnosti društva, ja bih pomenula da član 9. kaže da Općina obavljanje pojedinih komunalnih djelatnosti koje se finansiraju iz njenog budžeta obavezno povjerava javnim preduzećima komunalnih djelatnosti koje odlukama Općinskog vijeća formiralo za obavljanje tih djelatnosti. Bitan je i član 10. stav e) koji kaže da se cijene komunalnih usluga obrazuju prema kalkulativnim parametrima koje će usvojiti Općinsko vijeće kojim se obezbjeđuje najmanje prosta reprodukcija u periodu od 2 godine. Član 19. istog Zakona kaže da cijena komunalne usluge sadrži sve troškove tekućeg održavanja i funkcionisanja komunalnog sistema na koji se odnose ti troškovi nabavke novih stalnih sredstava davaoca komunalne usluge i anuitete za strateške projekte. Stav 8. istog zakona ukoliko organ Općinsko vijeće utvrdi nižu cijenu usluge od ekonomske cijene korištenja i ne usaglašava sa rastom cijena onda isti organ davaocu komunalnih usluga obavezan nadoknaditi razliku sredstava. Komunalno javno društvo kao što vidite se finansira pretežno iz cijene usluge, sakupljanje, pročišćavanje i snabdjevanje vodom iz cijene usluge, kao i prikupljanje, odvoz i odlaganje komunalnog otpada, upravljanje javnim parkiralištima, gradskom pijacom i grobljem Borik. Samo iz sredstava Budžeta Općine Maglaj finansira se održavanje javne higijene i zelenila. Ljudski i kadrovski resursi po ovoj važećoj sistematizaciji predviđeno je 66 radnih mjesta. Sa 01.07.2023. godine u preduzeću je zaposlen 51 radnik od čega je 48 radnika zaposleno na neodređeno, dok su tri zaposlena na određeno i radi se o NK radnicima. Vodosnabdjevanje kao glavna djelatnost i odvodnja otpadnih voda. Maglajski javni vodovodni sistem koristi 4 rezervoara, to su Misurići, Litica, Plane i Šiprage i pumpne stanice Misurići, Litica, Šiprage, Čakalovac i hidrostanica u rezervoaru Plane. Osnovni podaci o vodovodnoj mreži, ona se prostire na 62 km. Posljedni gubici vode u ovoj godini su 48,97% to je zaključno sa 30.06. sa 31.12.2022. godine gubici su bili 55,77 % otkrili smo jedno veliko puknuće koje je bilo teško pronaći ali smo nakon što smo sanirali to puknuće došli smo na iznos od 48,97 %. Cilj je doći do još manjeg iznosa, odnosno optimalan iznos gubitka i po metodologiji o utvrđivanju najniže cijene koju je usvojila Vlada Federacije BiH 2021. godine jeste taj procent gubitaka bi bio 25 %, to je optimalno. Imamo ukupan broj priključaka na vodovodnu mrežu 2898, privrede 392 ali ovdje nisu svi korisnici u privredi, to su samo priključci na poslovne prostore koji nisu u funkciji, odnosno ne obavlja se djelatnost u tim objektima, odnosno privreda koristi vodu negdje oko 220 korisnika. Od ovih navedenih vodovoda mjesni vodovod Bijela Ploča i Ulišnjak nisu nikada prenesena na društvo. Sad ovako kažu da se garantni rokovi isteknu pa se onda predaje društvu, odnosno i izvođači dostave neke nezavršene radove što naši tehnički šefovi i radnici ne žele prihvatiti dok se to sve ne otkloni pa se na kraju razvuče taj proces primopredaje. Zbog toga društvo gubi na naplati priključaka, odnosno u ova dva vodovoda priključke naplaćuju mjesne zajednice a mi smo u obavezi održavati sistem, isporučivati vodu i naplatiti vodu pa sad kakva je takva je cijena. Zbog takvih nelegalnih priključaka u mjesnom vodovodu Bijela Ploča gubici su oko 57,78 %, više od pola je nelegalnih

korisnika, koriste vodu Komunalnog ali nisu kod nas evidentirani i nemamo informacije ko se nelegalno priključio dok je evo Ulišnjak ima nešto manje gubitke to su 14 % i to je prilično zadovoljavajuće. Broj radnika koji neposredno rade na održavanju vodovodne mreže je 5 plus 2 od toga su ova dva rukovodioca a prema EU standardima bi trebalo biti kao u tabeli. Pošto je dužina vodovodne mreže oko 62 km i broj radnika bi se trebao kretati između 13 i 18. Samim time društvo je uštedilo skoro pola radnika koji su po preporuci, ne radi u tom sektoru. Hajdi da vam ovo ne čitam, ovo ste vjerovatno čitali. Problematika vodovoda i kanalizacije prvi problem jeste cijena koja je donesena 2003. godine. Komunalno javno društvo je osnovano 2008, znači da smo naslijedili cjenovnik od našeg prethodnika i da se čak ni prilikom osnivanja društva nije uzelo u obzir da bi se možda trebalo nešto novo uvesti. Ovakve cijene ne pokrivaju troškove koji nastanu pružanjem usluga. Drugi problem su visoki troškovi i nedostatak kadra zaposlenih u organizacionoj jedinici VIK. Samo trošak električne energije i goriva za 2022. godinu za potrebe obavljanja poslova u ovoj organizacionoj jedinici za 2022. godinu iznosio je 104.299,00 KM. Pokušali smo smanjiti cijene električne energije, imali smo prijedlog da se na zemljištu koje je u vlasništvu Općine Maglaj gdje se nalazi naša fabrika vode izgrade solarni paneli za šta smo pripremali projektnu dokumentaciju i dio dokumentacije poslali u vidu zahtjeva Elektroprivredi, međutim dobili smo odgovor da zemlja nije u vlasništvu društva i da odbijaju naš zahtjev. Tako da bih ja apelovala ako bi se mogao naći način ili da Općina Maglaj da prenese vlasništvo Komunalnom javnom društvu tu zemlju. Svakako je i koristimo i koristit ćemo neograničeno dugo ili da Općina Maglaj aplicira na projekte pa da oni igrade te solarne panele. To bio bilo smanjenje troška na godišnjem nivou oko 100.000,00 KM električne energije. Kontinuirani gubici u mreži treći problem a količina gubitaka zavisi od pritisaka u mreži i dotrajalosti vodovodne mreže, priključaka o kvaliteti materijala, načinu izvedbe, nestabilnosti terena, hidrauličnim udarima, stepenu tehnološkog razvoja i opremljenosti preduzeća i dodala bih nelegalnih priključaka. Nelegalni priključci su sljedeći problem i oni su uvijek jedan od faktora a to je nenaplaćena voda. Peti problem je neriješen pravni status mjesnih vodovoda Ulišnjak i Bijela Ploča, nedostatak strategije upravljanja vodama, nedostatak odluke o zaštiti izvorišta vode za piće Misurići, nedostatak Odluke o odvodnji otpadnih voda i nove Odluke o vodovodu i kanalizaciji i nepridržavanje propisanih rokova za primopredaju objekata novoizgrađene kanalizacije i vodovodne mreže. Bilans uspjeha za djelatnost vodosnabdjevanja i odvodnje otpadnih voda, ukupni razhodi su 677.333,00 KM za proteklu godinu. Ukupni prihodi to je direktno ono što se fakturisalo bez obzira hoćemo li naplatiti a na to je plaćen PDV su 394.564,00 KM. Razlika je bilans uspjeha odnosno gubitak i to su nedostajuća sredstva za pokrivanje troškova. Prikupljanje i odvoz komunalnog otpada je sljedeća djelatnost Komunalnog javnog društva. Uspostavili smo sistem organizovanog prkupljanja i odvoza otpada na teritorij cijele općine Maglaj. U ovoj organizacionoj jedinici ima 26 zaposlenih od čega 16 zaposleno na NK poslovnima. Pored odvoza i utovara otpada ova organizaciona jedinica se bavi upravljanjem parkinzima, upravljanjem grobljem Borik i upravljanjem gradskom pijacom. U ovoj organizacionoj jedinici su zaposleni još rukovodilac jedan izvršilac, koordinator jedan izvršilac, poslovođa jedan izvršilac, komunalni redar, saradnik za organizaciju posla u voznom parku, jedan automehaničar, jedan bravar i tri vozača, još radnik na naplati i kontroli korištenja parkinga jedan izvršilac. Pregled vozila koji su u organizacionoj jedinici komunalije, ključni problemi kod obavljanja djelatnosti prikupljanja i odvoza komunalnog otpada su niske nejednake i neusklađene cijene, cjenovnik koji datira iz 2009. godine. Operativni troškovi od tada su povećani što zbog rasta cijena, što zbog proširenja djelatnosti, odnosno lokacija. Trebalo bi naravno cjenovnik prilagoditi poštujući princip pravičnosti. Naplata od određenih kategorija korisnika. Najčešće imamo tri kategorije korisnika, prvi su oni koji redovno plaćaju, drugi su oni koji bi da plate ali nemaju i treći su oni koji neće da plate. Mi evo možemo na kraju u zaključku ili na nekoj drugoj sjednici kao inicijativu nekih od vijećnika da bude to da prijedlog Općinskog vijeća da se donese Program subvencioniranja plaćanja komunalnih usluga za socijalno ugrožene kategorije. Napomenula bih da bez obzira da li mi naplatimo račun mi smo u obavezi platiti PDV i PVN na račun. Treći problem je neadekvatno odlaganje otpada od strane korisnika, ovakva odlaganja otpada često imaju za posljedicu oštećenja vozila pored rizika od povrede radnika požara

i slično. Što se tiče bilanca uspjeha za djelatnost prikupljanja i odvoza smeća zaključno sa 31.12.2022. godine imate na lijevoj strani prihode koji su bili 777.000,00 KM, razhodi su 881.531,00 KM i rezultat za prošlu godinu što se tiče djelatnosti prikupljanja smeća jeste minus 104.353,00 KM. Nekada je odvoz i prkupljanje otpada bio taj koji je izvlačio vodovod i njihov gubitak međutim sada na ovom prihodu to nije više slučaj. Pa bih ja evo uporedila samo 2009. godine kada je utvrđen cjenovnik za smeće da je ukupan trošakaž goriva po knjigovodstvenoj evidenciji za Komunalno taj trošak iznosio 28.861,00 KM na godišnjem nivou troška goriva a da je 2023. godine taj iznos bio 97.287,00 KM bez PV-a. Cijena goriva po litru je bila 1,80 KM a danas je 2,96 KM. Broj vozila koje je tada Komunalno imalo je 4 danas imamo 11 koje je direktno uključeno za ovu organizacionu jedinicu. Broj radnika na ovoj jedinici je i bio 8, danas imamo 13. Zbog proširenja djelatnosti. Neto plaća radnika na odvozu otpada za 160 sati bila je 320,00 KM danas je 596,00 KM što je i dalje jako nisko. Prosječna neto plaća u Federaciji Bosne i Hercegovine 2009. godine je bila 784,00 KM danas je 1.262,00 KM. Upravljanje javnim parkiralištem, ova djelatnost spada također u komunalne djelatnosti i Odlukom Općinskog vijeća donesenom 04.07.2018. godine dato nam je na upravljanje parkiralište. Preduzeće u 2018. godini preuzelo je upravljanje na sljedećim lokacijama. Parking prostori sa istočne i zapadne strane tržnog centra, parking prostor kod bivše robne kuće, parking prostor kod zgrade Općine Maglaj a u 2019. godini proširuje upravljanje javnim parkiralištima i na lokaciju ispred Doma kulture Edhem Mulabdić uz ulicu Sulejmana Omerovića Cara. Na poslovima naplate i kontrole korištenja parkinga zaposlen je jedan radnik. U budućem periodu za parkirališta planirano je povećati iskoristivost postojećih parking mjesta. Kontinuirano podizati kvantitet naplate usluga, inicirati izmjene Odluke o javnim parkiralištima kako bi se omogućilo povećanje broja parking mjesta. Inicirati izmjene Odluke o javnim parkiralištima kako bi se omogućilo uvođenje rampi na određena javna parkirališta gdje je to moguće. Prihodi od upravljanja javnim parkiralištima su 28.430, KM za prošlu godinu. Ukupno razhodi jesu 25.976,00 KM. razhodi uključuju trošak radnika, bruto plaća, topli obrok, prijevoz, regres i druga materijalna prava. Toškovi kupovine parkomata 4 komada koja su raspoređena na period trajanja, troškovi godišnjeg servisiranja i popravki parkomata, troškovi rolni papira, premije osiguranja i slično. Ovdje možemo reći da je godišnja dobit od upravljanja parkinzima 2.453,00 KM. Upravljanje gradskom pijacom. Ovdje je Zakonom o unutrašnjoj trgovini Federacije Bosne i Hercegovine i Pravilnikom o uslovima minimalne tehničke opremljenosti poslovnih prostora za obavljanje trgovine Federacije Bosne i Hercegovine definisao. Za naredni period što se tiče upravljanja gradskom pijacom planirano je u saradnji sa osnivačem izvršiti natkrivanje i bloka B pijace kako bi ista predstavljala zaokruženu cjelinu. Saradnje sa inspekcijским i policijskim službama raditi na ukidanju divljih pijačnih prostora. Poduzeti aktivnosti na vraćanju prodavača na pijacu, formirati cijene koje će pokriti troškove. Mi smo imali cijenu različitu od ove koja je trenutna do 2018. godine, koja je bila veća nego danas što imamo međutim iz nekog razloga je ona smanjena i nakon toga smo investirali i vlastitim sredstvima smo uradili asfaltiranje pijace, ograđivanje, natkrivanje jednog bloka i kompletnu mliječnu pijacu smo uradili. Tome je prethodilo smanjenje cijene rezervacija placarina. Naš prijedlog je da se to bar vrati na neki nivo od prije kako bi se te plaćene investicije mogle vratiti kroz dobit. Prihodi sa pijace ukupno za prošlu godinu su 33.872,00 KM, ovdje su različiti troškovi koje imamo za pijacu i podsjećam da za upravljanje pijacom nije zaposlen niti jedan radnik već se prebacuju radnici iz drugih organizacionih jedinica kada treba da se obavljaju neki zadatak. Neto gubitak na godišnjem nivou za pijacu jeste 4.101,00 KM. ukupna ulaganja u navedene investicije koje sam pomeunla su 125.000,00 KM plaćena vlastitim sredstvima. Iz razloga što se u okviru obavljanja ove djelatnosti iskazuje gubitak plan je Odluku o formiranju cijena pijačnih usluga na gradskoj pijaci u Maglaju prilagoditi na način da se ovaj gubitak pokrije. Upravljanje grobljem Borik. 21.04.2021. godine Općinsko vijeće donijelo je Odluku o upravljanju grobljem Borik. Plan za naredni period je pokušati naći način da se u saradnji sa drugim nadležnim organima riješi problem nedostatka neophodne infrastrukture. U obavljanju ove djelatnosti nema značajniji finansijskih odstupanja. Održavanje javne higijene i zelenila i zimsko održavanje. Ovo su djelatnosti koje se finansiraju iz Budžeta Općine Maglaj shodno ugovorima i po Programima

održavanja koje donosi Općinsko vijeće svake godine. Sredstva za održavanje javne higijene i zelenila i zimskog održavanja značajano su smanjena uslijed posljedica pandemije Covid 19 i nisu nikada vraćena niti na iznose prije pandemije a pogotovo se nisu iznosi usklađivali da daljim rastom troškova. Prihodi po osnovu ugovora sa Općinom su samo 11 % od ukupnog prihoda koji ostvari Komunalno javno društvo na godišnjem nivou. Ovdje imate podatak sredstava su smanjena za ova dva ugovora a 64.679,00 KM na godišnjem nivou a evo samo podatak da je od 2013. godine do danas plaća NK radnika porasla za 46 % sa 408,00 KM na 596,00 KM. ovdje učešće pojedinih djelatnosti u ukupnom prihodu. Ja ne bih puno dužila, prešla bih na cjenovnik. Planirano je cjenovnik za vodu izmijeniti, fizička lica, domaćinstva m³ cijena isporuke vode 1,00 KM, cijena odvodnje kanalizacije 0,35 KM, mjesečni trošak mjernog mjesta odnosno vodomjera 1,27 KM. cijena vode i kanalizacije sa pravna lica ovdje bi ioz kategorija koje trenutno imamo od koje se kreću intervali od 1,80 KM do 2,30 KM napravili jedinstvenu cijenu koja bi iznosila 2,00 KM. znači nekome bi se smanjio iznos vode, nekome se malo povećao ali cilj je izjednačiti cijenu vode. Cijena odvodnje kanalizacije 0,98 KM. Ono što po naredbi o mjeriteljstvu je obaveza da se vodomjeri zamjenjuju u režiji Komunalnog javnog društva, trenutno korisnici mijenjaju sami vodomjere pravna lica. Mijenjaju kad dotraju, oni su obavezni zamijeniti ali takvi vodomjeri su upitnog stanja, odnosno i kad se pokvare idu na štetu Komunalnog jer ne očitaju količinu koja je zaista bila već sporije očitavaju vodu i onda je društvo pretežno u gubitku. Mi bi uveli mjesečni troška mjernog mjesta fiksni dio za vodomjere različitih promjer apo različitom mjesečnom trošku jer ne može biti univerzalna cijena za iste vodomjere jer im je i cijena kupovine različita. Naša pravna lica pretežno spadaju u vodomjere kategorije 1 i 2 promjera 13i 20 i eventualno imamo još neke velike kao Bingo tržni centar koji ima veći profil vodomjera i veća je i cijena zamjene, tako da smo uzeli u obzir sve promjere vodomjera u slučaju da se pojave i korisnici koji imaju da već imamo cijenu za te vodomjere. Tako da bi palo na teret Komunalnom javnom društvu da mijenja vodomjere i u obavezi je zamijeniti neispravne vodomjere u budućem periodu ukoliko se cjenovnik usvoji, ovako nije u obavezi i pravna lica sama sebi mijenjaju i nemaju trenutno ovo na računu iskazan mjerni trošak. Samo da napomenem da ovo mjerno mjesto nije prihod već je to iznos mjesečni koji se treba naplatiti kako bi se u 60 mjeseci skupio novac da se zamijeni vodmjer kod korisnika. To nije prihod, to je trošak koji će društvo imati kad bude bilo u potrebi da se zamijeni vodomjer. Cijene prikupljanja i odvoza otpada za kategorije fizičkih lica utvrđuju se u sljedećim mjesečnim iznosima. Domaćinstva sa 1 ili 2 člana 6,20 KM, domaćinstva sa 3-4 člana 7,70 KM i domaćinstva sa 5 i više članova 9,20 KM i ono što imamo trend odlazaka ali regulisali bi ovakve korisnike odnosno povremene ili vikendnice povremeni dolasci sa 2,50 KM mjesečno. U nekim općinama naplaćuju takvim korisnicima cijenu istu kao da su tu ali evo nekako po nekoj pravednosti po meni oni ne bi, odnosno po nama ne bi oni bilo uredu da naplaćujemo kao i onima koji su stalno tu. Ovdje smo za privredne subjekte trenutno imamo cjenovnik takav da je raspoređeno u tri kategorije, sad smo ih malo detaljisali, uveli smo 5 kategorija i vodili smo se principom da zagađivač plaća odnosno oni koji zagađuju više da malo više i plaćaju kako bi smo probudili i ekološku svijest. Prijedlog zaključaka ne znam da li pročitam?

Predsjedavajuća Aida Bašić: Pročitajte.

Azra Pepelar: Prijedlog zaključaka sjednice Općinskog vijeća usvajanje prijedloga cjenovnika broj: 01312-3-1/23 i 01-1312-3-2/23 riješiti pravni status MZ Ulišnjak i MZBijela Ploča. Izraditi strategiju upravljanja vodama, izraditi Odluku o zaštiti izvorišta vode sa piće Misurići, izraditi i usvojiti Odluke o odvodnji otpadnih voda i izraditi nove Odluke o vodovodu i kanalizaciji. Poštivati propisane rokove za primopredaju objekata novoizgrađene kanalizacione i vodovodne mreže. Izraditi i usvojiti Plan upravljanja otpadom. Hvala.

Predsjedavajuća Aida Bašić: Zahvaljujem se gospođi Pepelar. Ja bih zamolila i Vas i ostale članove Nadzornog odbora da bilježite pitanja i naravno trebat ćete ponuditi odgovore vijećnicima. Rasprava je otvorena pa izvolite gospodine Begić.

Vijećnik Jasmin Begić: Ja vas sve selamim i pozdravljam. Ja bih sad trenutno zadržao na ovoj prvoj tački, pa bih o drugim tačkama naravno iznijeli druge prijedloge i zaključke. Analiza je urađena paušalno i bez bitnih pokazatelja i sistemskog djelovanja kako bi se Komunalno javno

društvo jedno od najbitnijih firmi u Maglaju spasilo od neprofesionalnog i slobodno mogu reći kriminalnog vođenja ove firme od strane vlasti SDP-a. Shodno tome postaviti ću par pitanja Nadzornom odboru, drago mi je da su konačno jednom prisutni ovdje. Šta je Nadzorni odbor uradio sa odgovornim kadrovima koji su nezakonito otpuštali radnike i tako firmi napravili štetu od oko 50.000 KM? Kažem oko zato što u ovoj analizi mi to nismo dobili koliko je ustvari pogrešno rukovođenje tom firmom koštalo građane Maglaja i na kraju bilo na uštrb radnika ovih koji rade adekvatno i jako kvalitetno svoj posao. Drugo pitanje se isto odnosi na sudske procese koji se vode a to je za utuživanje za minuli rad. Ima Komunalno javno društvo trenutno i prevelik broj administracije ali isto tako neadekvatne administracije koja nije znala da treba minuli rad obračunavati radnicima i da im to mora se isplaćivati nego su radnici otišli na sud i na sudu dobili svoja potraživanja a u međuvremenu je proizvedena šteta društvu isto tako od više desetina hiljada maraka. Također najveći problem je što nismo naišli u ovom materijalu je prevelik broj uposlenih a prevelik broj uposlenih se odnosi pretežno na administraciju. Pripremajući se za ovu tačku Dnevnog reda nazvao sam jednog direktora velike firme u Maglaju je tu i pitao ga sa 500 uposlenih koliko ima šefova, čovjek je rekao imam 2 šefa u dvije smjene. Rekoh dobro čuo sam da imaš još neke neću reći kako, manje šefiće ovo ono team leadere da budem iskren. Team leader je radnik i ima iza sebe 30 radnika gdje ima platu veću za minimalno većom platom a isto tako ima koordinaciju sa šefom smjene i priprema i odrađuju zadatke kvalitetno. Ovdje smo imali prezentaciju 5 plus 2. Znači imamo 5 radnika a 2 šefa, koja to firma može da podnese? Druga stvar vezano za uposlenje. U organizacionoj jedinici prikupljanje i odvoz komunalnog otpada je uposleno 26 zaposlenika, 16 zaposlenih NK. Slušajte sada rukovodilac imamo koordinatora, imamo poslovođu, imamo komunalnog redara, imamo saradnika za organizaciju poslova u voznom parku, gospodo draga pa šta je ovo? Ovo samo izmišljene pozicije bolan na uštrb građana. Ovo ako ne može jedan šef raditi i imat sve treba ići kući a da pitamo koliko sad ovi ljudi imaju platu, sigurno imaju duplo veću nego drugi radnici koji su ovdje prisutni. Neprofesionalno i neadekvatno vođenje komunalnog je dovelo do ovoga i ovo neće da plaćaju građani budite sigurni, ovo će da se izvrši prvo reorganizacija uposlenih, da kući idu neradnici a radnici da dobiju povećanje plate. Idemo dalje tražio sam isto tako da vidimo velike dobavljače ove firme, nisam naravno dobio, dobio sam Izvještaj te samo prvih 10-12 dobavljača bez ukupnog iznosa koliko je koji prometovao sa komunalnim preduzećem u zadnje dvije godine. Pa bi na osnovu toga mi vidjeli kakav je vozni park da li se on isplati uopšte jer vidimo da je Logistic d.o.o. Žepče na 4 mjestu. Znači po servisu kamiona mi znamo dobro kakvi su kamioni i da ne nabrajam sada dobavljače koji isto tako imaju sumnjiva potraživanja, fakture i sve to. To nisam dobio. Analiza je urađena kao spisak želja, samo da se poskupi građanima od aktulene vlasti i da se podmire i da platu uredno dobivaju stranački uposlenici. Isto tako smo vidjeli ugovore na određeno i neodređeno, pa smo tako vidjeli da na određeno imaju samo oni pravi radnici a oni u administraciji nakon mjeseca dana dva su dobivali rješenja za stalno zaposlenje rate dragi na neodređeno vrijeme. Znamo da su ta mjesta izmišljena kao što sam i pročitao. Što se tiče Bijeje Ploče i Ulišnjaka i to sam isto pripremao, znači nema potrebe mi to da potenciramo toliko na tim građevinskim i ovim dozvolama kad se to uredno naplaćuje u tim mjesnim zajednicama vodu i kanalizaciju. Da zaključim Analiza mora ići na doradu, da se uključi struka, da se uključe uposlenici i osnivač. Ovo ovako neće dovesti nas nigdje osim na uštrb građana koji žive u Maglaju.

Predsjedavajuća Aida Bašić: Hvala Begiću. Salatoviću izvolite.

Vijećnik Edin Salatović: Sve vas selamim i pozdravljam, ja ću samo jedno kratko pitanje, vezano zašto nema detaljne informacije o finansijskom rezultatu za poslovanje gradskog groblja. Poznato je da na groblju u Boriku već ima ukopanih lica pa je nemoguće da nema finansijskih ulaza vezano za to. Također da li ima rezervisanih ukopnih mjesta i ako ima zašto nam to nije predočeno u ovoj analizi. Također, koji su troškovi do sada investirani vezano za ovu parcelu i koliko je to koštalo Komunalno javno društvo? Hvala.

Predsjedavajuća Aida Bašić: Hvala Salatoviću, gospođa Hadžić izvolite.

Vijećnica Aida Hadžić: Da pozdravim i ja sve prisutne. Ja se iskreno nadam da će ova sjednica donijeti neke rezultate, odnosno neke nego konkretne koji će nam biti svim od koristi, pogotovo

Komunalnom javnom društvu. O kvaliteti njihovog rada zaista ne treba puno pričati, svi smo svjedoci, evo ja sam prošle godine sa djecom izašla da očistimo jedan dio, neka je akcija bila. Mi nismo uspjeli nakupiti niti jednu vreću smeća. Što je prije bilo nemoguće, ali zaista sve pohvale na njihov rad a o ovim nekim greškama se uvijek može pričati. Nadam se da one više neće ponavljati. Što se tiče stava DF-a, ja bih da ga iznesem, nadam se da neću biti previše opširna. DF Maglaj znači dugi niz godina upozorava na probleme koji su se javljali u poslovanju Komunalnog javnog društva, kroz sjednice Vijeća smo upozoravali na nedostatak odluka, planova i vizija razvoja komunalne djelatnosti, te insisitirali da se iste usvoje na sjednicama Vijeća. Plan upravljanja otpadom, odluke o vodovodu i kanalizaciji, komunalnom redu, vodozaštitnim zonama, parking djelatnostima i slično. Ostali su mrtvo slovo na papiru ili doneseni pod pritiskom a da se nikad nije raspravljalo o njihovim efektima. Svi smo bili svjedoci povećanja obima ugovorenih usluga, troškova radne snage, mehanizacije, utroška materijala, goriva, stavke u budžetu namjenjene za Komunalno javno društvo se nisu povećavale. Cijene ostalih usluga također nisu se mijenjale što smo vidjeli iz prezentacije iz materijala od 2003. godine nešto malo 2009. godine. Dakle punih 20 godina samo da poredimo platu koja je 2003. godine bila 200 maraka sad će evo biti 1.000,00 KM. Nezainteresovanost Vijeća prema problematici poslovanja Komunalnog javnog društva Maglaj uz snažne političke utjecaje na rad, poteze, odluke menadžmenta, od strane općinske administracije ali dobrim dijelom neracionalnih poteza menadžmenta Komunalnog javnog društva dovelo se u situaciju da Komunalno javno društvo nakon toliko godina prvi put posluje sa gubitkom preko 700.000,00 KM. Problemi navedeni u analizi su ozbiljni i veliki i toga smo i svi svjesni. Od zastarjele vodovodne mreže, od recimo deponija Nekolj ulaže se samo najnužnije i simbolički zbog federalnih i kantonalnih inspekcija a obaveze prema deponiji leže još od 2009. godine. Komunalno javno društvo praktički je postanar u Općini, nema svoje imovine a za izgradnju objekata i komunalne infrastrukture, znači ulagali su svoja sredstva što nije bilo baš da tako kažemo pametan potez niti opravdan. Za to je zadužena Općina, odnosno mi kao osnivač. DF odlučno stoji na stanovištu da Komunalno kao preduzeće od javnog interesa treba da posluje pozitivno, pruža usluge građanima i privrednicima kvalitetno i blagovremeno. Da se zaštite radnici i njihove porodice te da cijene usluga budu ekonomične onoliko koliko treba da se održi prosta reprodukcija uvećana za određeni procent amortizacije. Da se vodi računa i o platama radnika koje su kako smo svjedoci izuzetno niske. Odgovornost za ovakvu situaciju snose svi i Vijeće i službe ali i menadžment Komunalnog javnog društva. Mi imamo zaključke koje ćemo predložiti ali nadamo se da će biti još nekih konstruktivnih zaključaka pa možemo se dogovoriti da ih usvojimo, odnosno da ih sastavimo zajedno na neki zajednički prijedlog ali evo ja bih ipak da pročitam naše. Utvrditi prilikom donošenja Programa rada Općinskog vijeća Maglaj Prijedloge akata koje Općinsko vijeće Maglaj je u obavezi donijeti i to u razumnim rokovima a između ostalog i akte koje su pomenuti u analizi koju smo pogledali. Utvrditi prilikom donošenja Budžeta Općine Maglaj posebnu stavku subvencije komunalnih usluga. Mi evo predlažemo iznos od 25.000,00 KM ali evo možemo i to korigovati. Dostaviti prijedlog kriterija i način utroška na Općinsko vijeće. Planirati kompenzaciju nepokretne imovine. Svjedoci smo problema koje Komunalno javno društvo ima sa Islamskom zajednicom i sa tužbom. Naš je prijedlog da s eizvrši kompenzacija nepokretne imovine za to zemljište za recimo gradsko groblje koje je svakako dato njima na upravljanje. Utvrditi u Programu rada Općinskog vijeća analizu efikasnosti primjene tarifnog modela i cjenovnika po oblastima i djelatnostima. Uspostaviti komisije Općinskog vijeća Maglaj koja će imati nadležnost koordinacije praćenja efekata provedbe propisa pružanja komunalnih usluga i cijena prema krajnjim korisnicima. Pokrenuti aktivnosti za imenovnje Odbora za reviziju shodno zakonu. Planirati u prvom kvartalu sljedeće godine informaciju o problematici parking mjesta u gradu i prigradskim mjestima. Zadužiti Načelnika, odnosno službe da pruže maksimalnu podršku prilikom izrade projektne dokumenatacije, to jeste projekata za sredstva različitih domaćih i međunarodnih fondova kao što smo vidjeli problem solarnih ploča. Odmah i bez odlaganja na vidno mjesto na web stranici društva objaviti cjenovnike sa Odlukama o saglasnosti naravno ako ih usvojimo danas ovako kako su predložene. Hvala.

Predsjedavajuća Aida Bašić: Hvala gospođo Hadžić. Da li se još neko javlja za riječ. Gospodin Šehić izvolite.

Vijećnik Senad Šehić: Sve vas lijepo pozdravljam. Prvo moram reagovati u ime Kluba SDP-a na ove optužbe vezano za postavljanje kadrova od strane kriminalne vlasti SDP-a. Pa bih volio da se to dokaže, valjda postoje neki argumenti na osnovu kojih se postupa i zna se kako se dalje rješava ta problematika. Samo tako nekoga optužiti i dati mu etiketu kriminalca, mislim da je krajnje neozbiljno i neodgovorno. Pribilježio sam sebi dosta ovdje stvari i prilikom iznošenja Analize od strane gospođe Pepelar, čini mi se da ćemo i danas samo izgubiti vrijeme. Da ćemo i ovu tematsku sjednicu u suštini pretvoriti samo u jedan skup, da ćemo prebacivati krivicu sa jednih na druge. Stičem dojam da ovdje su radnici i menadžment kao na nekoj optuženičkoj klupi pa moraju jadni sami slušati zašto im je sve kriv i menadžment i bivši direktor itd. Ja bih volio na kraju krajeva da i sami radnici, možda ovdje sa ovog mjesta kažu konkretno koliko su oni bili zadovoljni radom bivšeg direktora. Na stranu o tome šta smo mi ovdje razgovarali i šta je ovo Vijeće donosilo. Dakle kada evo slušamo a gledali smo ovaj materijal u kojem su navedene sve stvari koje su urađene u proteklom periodu i kada pogledamo i sve opravdane argumente i parametre zbog kojih Komunalno posluje u gubicima, dakle u razlikama u cijenama mi i dalje ponovo tražimo probleme u nekim trivijalnim stvarima. Dakle, ja se samo nadam i želim da se danas ozbiljno uključimo i pristupimo ovoj temi i da na kraju krajeva danas barem pokušamo uključiti se u rješavanje problema Komunalnog javnog društva. Toliko sada za uvod.

Predsjedavajuća Aida Bašić: Hvala gospodine Šehić. Izvolite gospodin Begić.

Vijećnik Jasmin Begić (replika): Naravno što kažem za ovom govornicom to je potkrepljeno činjenicama i dokazima. Činjenice su te da su ljudi naplatili štetu što ne rade i danas dan a uzeli su odštetu od Komunalnog javnog društva. Ima presuda, protuzakonito otpuštanje radnika. To je uredno naplaćeno, ja sam tražio informaciju, da mi vidimo ovdje, da svi vijećnici vide da i Senad vidi, koliko je to koštalo građane. Ja ne zamjerim Senadu, on ne zna to, nema u materijalu. Ja sam očekivao analizu. Znači treba smanjiti broj uposlenih na toj lokaciji, treba uraditi to, treba uraditi to a ne samo izvršiti poskupljenje i mi smo riješili sav problem. To nije gospodo analiza i nije rješenje.

Predsjedavajuća Aida Bašić: Hvala Begiću. Fikret Delić se javio za riječ, izvolite.

Vijećnik Fikret Delić: Poštovana predsjedavajuća, dopredsjedavajuća, kolege vijećnici, uvaženi gosti, šefovi službi, radnici Komunalnog preduzeća ja vas sve srdačno selamim i pozdravljam. Mislim kolega Begiću nije uredu da kažete kriminalna vlast, trebaš navesti ime i prezime i to je uredu. Samo ime i prezime, kriminalna vlast SDP-a možda sam i ja tu, mene tu nema nigdje. Ovako, samo prije godinu dana Komunalno javno društvo svi znamo da smo dobili ovdje Izvještaj da je bilo pozitivno, koliko, toliko. Za godinu dana oko 450.000 maraka, pola miliona se stvorio gubitak, to treba neko izaći za govornicu i reći kako je to moglo. Znamo, da preduzeće svako može da posluje u gubitku ali ovoliki gubitak stvoriti, da firmu dovedete do propasti, pred ukidanje, zatvaranje, neko mora biti kriv. Neko mora biti krivac i mora se znati ko. Nemojte ovaj onaj, evo kriv je Načelnik, služba, ja bih zamolio nekoga da izađe ovdje iz službe ili predstavnika Komunalnog da kaže da li je Općina šta dužna, da li smo mi vijećnici kaže, neko reče mi smo vijećnici i službe i Načelnik da smo svi krivi. Dajte da donesemo neku odluku da nađemo pametno, dobro rješenje za ovu bijedu radnike. Ja se slažem sa tim ali izgleda da su najveći krivac radnici, nema krivca glavnog, tu nema. Da li su oni krivi, normalno da nisu. Mislim da treba se sjesti da se donese jedna prava odluka, pozitivna odluka, neizhitrena odluka i da se pomogne radnicima i firmi. Toliko. Hvala.

Predsjedavajuća Aida Bašić: Hvala Deliću, gospodin Bešić izvolite.

Vijećnik Mustafa Bešić: Evo ovako ja vas sve selamim i pozdravljam, posebno svoje radne kolege. Ovdje ću nastojati da pokušam da ne palimo vatru ali da pokušamo naći najbolje rješenje za društvo i uposlenike. Kao što je Azra iznijela mi imamo ovdje pred sobom u materijalu cijene usluga se nisu mijenjale od 2008. godine. Znači, imamo 17-18 godina cijene koje su znate 0,62 pfeninga kubik vode. Ja sam i prije dvije sjednice pričao po pitanju toga. Znate šta je hiljadu litara 0,62 pfeninga. Ja sam pričao i prošli put, imam dvoje buradi po 1000 litara nisam imao pumpu,

samo da vam dočaram kako to izgleda, pa sam to u rijeku stavljao pa kantom sipao. Pa sam ostajao po sat vremena da nalijem kubik vode. U mojoj Domisllici evo odakle dolazim imamo kubik vode 1,00 KM. znači, nismo kao firma ne plaćamo državi porez, radimo kao udruženje, nemamo račun fiskalni račun da dajemo ljudima, na paragraf napišemo i marka kubik vode. Ovdje je pojedinim ljudima smiješno, ustanite ovdje i kažite za govornicom. Znači, kubik vode 0,62 pfeninga a u mene u Domisllici marka i hvala Bogu da je imamo. Oni koji nisu imali vodu ne znaju šta znači. Mi smo znali po pola ljeta nemati vodu, patili se ko niko. Platili bi po 5 maraka kubik vode. Ovdje je najlakše reći hajd ovo, hajd ono. Evo Azra je iznijela 66 radnika je potrebno a imamo 48. Kaže gospodin nelegalno, kako ćeš ti otpustit uposlenika, kako ćeš ga natjerati kući. Evo konkretno Jasminu Begiću kako ćeš otjerati zaposlenika kući. Hajdi dobro to ćemo vidjeti. Vi jednostavno palicom ti ćeš ići kući, ovaj će doći. Kad ste već kod toga, kad kažete stranačno upošljavanje, moram se dotaketi pitanja. Vaša kolegica koja je bila na listi postavili ste kao prijedlog da bude direktor. Jel to stranačko, nije je li? A čekat ćemo akobogda doći će ljudi.

Predsjedavajuća Aida Bašić: Gospodine Bešić, držite se tačke.

Vijećnik Mustafa Bešić: Dobro, dobro, samo evo kolegi Jasminu Begiću da kažem. Doći će drugi direktor vidjet ćemo ko će biti pa ću vas ja pitati je li ovo stranačko ili nije. Što se tiče odvoza smeća, iz Domisllice 1,5 KM po članu na mjesečnom nivou. Ja sam predsjednik mjesne zajednice gore 10 godina. Mi smo imali smeća to je strašno bilo, to su bile deponije da vam ne mogu opisati i hvala ovim ljudima koji dolaze po mjesnim zajednicama koji rade. Kad sam ja sa Dajom upisivao te ljude da mi uđemo u odvoz smeća. Šta se desilo još. Mi nismo imali unazad pola općine Maglaj nije imalo odvoz smeća, sve je uvršteno u odvoz. Plaćamo marku i po. Dođite ujutro u 7 sati da vidite po mjesnim zajednicama koje su to deponije smeća. Koliko se to odvozi. To je strašno. Ja ovdje neću da se bavim, ima što kolega kaže Jasim Begić, meni ko god je kiriv tužbu podnese i ima zakon neka odgovora. Ako je neko kriv, ukrao pare, dajte ima tamo sudija neka radi svoj posao. Neću se baviti tim ljudima izašao sam ovdje stvarno da smirim situaciju, da radim, ne moram ni raditi, to je najmanji problem. Beša, Mustafa Bešić radi za 730,00 KM javno ću kazati. Ja sam zaradivao po 2.000 maraka platu, išao, ja svojim rukama hvala Allahu znam svašta. Ne može moju nafaku niko uzeti, to da budete jasni ali hoću da kažem za ove ljude koji će ostati raditi. treba se izboriti, vjerujte mi ovo odugovlačenje svaki mjesec, neće vam ljudim raditi 100 % vam kažem do Nove godine će se raspasti a vi pričajte ovdje od Kulina bana i one priče. Nema ko raditi u firmi, neće imati ko raditi, ja vam ozbiljno kažem i ozbiljno shvatite situaciju. Znači, došlo je do zida i nema dalje. Pomozite, učestvujte i dajte rješenje. Ja nisam najpametniji ovdje ali ja kažem da se treba podići cijena vode, to su mizerne cijene ima li igdje u Bosni da je ta cijena vode ako ima de mi nađite. Ako je puno marku da plaćamo. Ljudi ovi koji rade ja sam rekao svoju platu koliko ima. Ja sam donio svoju platnu listu, baš ću vam je iskopirati, evo danas sam dobio platu, ja ću vam je i pokazati. Kažu ja 400.000 maraka zaradio do sada, oj ti matere ali toliko su otkud tolike plate, gdje su te plate. Šalu na stranu, dajte uozbiljite se, evo napravimo iskorak pomozimo da firma stane na noge ako će raditi, ko neće, dajte onima koji će ostati. Ima puno stvari koje sam, na neke stvari i na mene su ali hoću da kažem treba naći najbolje rješenje. Dovedi poskupljenje vode i cijena da se ljudima plata poveća. Ovim ljudima koji imaju najniže plate, to treba povećati i to dobro. 50-100 maraka povećati na ovoj skupoći, pa to je smiješno. Ispod 200-300 maraka platu, vi uzмите u razmatranje ja sam laik. Ja u kući vodim budžet, dobro poslujem. Znači čim kuću dobro vodim, mogu voditi i firmu. Hoću da kažem ovi ljudi zaslužuju da imaju veću platu. Nema nigdje za ovu plau da ljudi rade eto toliko.

Predsjedavajuća Aida Bašić: Bešiću, molim Vas isteklo vrijeme. Hvala lijepo.

Vijećnik Jasmin Begić (replika): Moram kolegi Bešiću replicirati ovdje. Razumijem ja, ja sam uvijek na strani radnika i uvijek ću i biti ali nisam na starni ljudi koji nastoje nelegalne radnje da stavljaju pod tepih. Za sve ovo što sam rekao postoje dokazi. Uredu je to Bešiću da je možda najmanja cijena u Maglaju u Bosni, ja se slažem s time za naplatu vode ali je isto tako najveća cijena za odvoz smeća. Je li tebi gospodine Bešiću poznato da jedna firma u Maglaju plaća 4.000,00 KM mjesečno za smeće. Je li ti poznato to? To nema nigdje u državi, to nema nigdje a ta firma mjesečno baci možda jedan kontejner pun smeća. Mi imamo rješenje, ja sam očekivao od

Nadzornog odbora od ljudi u rukovodstvu da nama predoče ovdje, za što imaju platu. Mi nemamo platu za ovo ali mi ipak imamo rješenje budite sigurni ali ćemo natjerati u Upravni odbor da fino uredno naplati to, direktora kad naplati sve svoje radove, natjerat ćemo ih budite sigurno da naprave bolju analizu sa izlaskom iz ovih finansijskih problema.

Predsjedavajuća Aida Bašić: Hvala Begiću, gospodin Kusr izvolite, gospodin Vehabović se javio za riječ poslije.

Vijećnik Eldis Kusr: Ja vas sve selamim i pozdravljam, prvo bih posalamio ovu vrijednu grupu lijevo ovamo, nemojte misliti da se ljudima dodvoravam međutim evo od 51 zaposlenog opet su oni koji najveći teret drže. Gdje su ostali? Šta hoću reći, ovdje imamo dvoje opet me ispravite, koji rade direktno u administraciji. Imamo 10 ljudi koji su vani, koji rade na održavanju čaršije i grada a ovih ostalih nema ih. Svaka čast uredu je mi smo malo skrenuli s teme. Plaće, cijena vode, kolega Fikret Delić je fino kazao ko je odgovoran za 448.000,00 KM gubitka. Druga stvar ovdje ova analiza koju ste napravili zaista ružno je što ću reći ali je paušalno napravljena. Imate konkretno ovi ljudi koji su tu, koje većinu poznajem. Ja mislim da su im najmanje plate koji su na ulici, koji drže metlu. Imamo ljudi u vodovodu koji rade i oni sigurno održavaju vodovod koji imaju zaista male plate. Zašto niste izašli sa jasnim pokazateljem koji sektor ima koliko bruto platu, da i to vidimo. Druga stvar, direktno predsjednici Nadzornog odbora, Vi se s nama počeli igrati. Malo podneste ostavku, pa je malo povučete, ne može to tako. Smatram da je predsjednica Nadzornog odbora direktno svojim neću reći neznanjem, nije dobro rukovodila i dovela je do ovog gubitka koji je stvoren u Komunalnom javnom društvu. Vodovod Ulišnjak i Bijela Ploča, mislim zaista kako ja znam da vi to naplaćujete. Isporučujete, imate ogromne gubitke, brate dragi unutar kolektiva, to jeste kao Nadzorni odbor kao menadžment društva donesete konkretne zaključke i počnite raditi na tom problemu. Mi imamo ovo, eto to je tako. 14 % je u Ulišnjaku gubitak, 50 i nešto je na Bijeloj Ploči. Imamo nelegalnih priključaka, pa te nelegalne priključke treba početi rješavati. Drugo, što je meni onako zaista Komunalno je u velikim problemima. Ovdje nije opet ću se ponoviti problem povećanja cijena usluga. Ovdje imamo probleme koji su nastali. Evo kolega Fikret je rekao i dobro je rekao da za godinu je napravljeno ured pola miliona gubitka u društvu. Mene interesuje onako vidio sam u finansijskom ovom pokazatelju ovdje, isplata za razne komisije 2.000 i nešto maraka. To me baš interesuje koje komisije se plaćaju. Ova tri radnika koji su na određeno vrijeme zaposleni, zanima me jesu to ljudi koji rade na ulici ili su to ljudi u administraciji. Drugo, postaviti ću par pitanja na koja želim da mi se odgovori. Koliko je društvo u periodu 2017-2023. godine imalo sudskih sporova? Koliko je izdvojeno za plaćanje sudskih sporova, koliko je bilo dobijenih sporova i koja su to sredstva koje je društvo na osnovu dobijenih sporova povećalo svoje prihode. Koliko je sporova koji su u toku i koja je projekcija troškova? Da li je bilo inspekcijskog nekog nadzora u Komunalnom i koji je status deponije Nekolj. To je sada za početak, malo za uvoda a nastaviti ćemo poslije.

Predsjedavajuća Aida Bašić: Hvala gospodine Kusr, gospođa Zamboni se javila za repliku, izvolite.

Vijećnica Svjetlana Zamboni (replika): Evo kao što je i kolega Šehić ranije rekao ja vas molim da ove teške optužbe da je pojedinac doveo do evo maltene propasti preduzeća. Vi znate kako se to radi ali ne možemo tako paušalno reći da je predsjednica Nadzornog odbora direktno odgovorna za rezultat poslovanja i optužiti samo jednu osobu bez odgovarajućih dokaza za koje bi bili predočeni sa ove govornice.

Predsjedavajuća Aida Bašić: Hvala gospođu Zamboni. Kusr replika izvolite.

Vijećnik Eldis Kusr (replika): Samo gospođi Zamboni da repliciram, nisam ja rekao propast. Gospođu Zamboni, gubitak a vi ste rekli propast, ja nisam rekao propast firme. Pa gospođu Zamboni, ja sam direktno gledao u predsjednicu Nadzornog odbora u oči i naravna stvar da nije ona kao predsjednica sama kriva. Imaju članovi Nadzornog odbora i ima menadžment ali sam rekao iz jednog prostog razloga, što se ta gospođa sa nama već par mjeseci malo igra. Malo da ostavku, malo ne. Malo hoće, malo neće. Gospođu, ipak smo mi ovdje odgovorni i izabrani smo ispred naroda. Imate iza sebe 51 radnika, tako da ne možete se tako igrati sa nama, nego prihvatite

se posla zašto ste izabrani. Dajte konkretne prijedloge, ovo što ste iznijeli je ništa. Dajte konkretne prijedloge i da se ide u reorganizaciju firme i da se nagradi ko radi a ko ne radi, brate dragi.

Predsjedavajuća Aida Bašić: Hvala gospodine Kusur. Vehabović doktor se javio pa gospođa Zamboni, Smailović. Dženana, predsjednica Nadzornog odbora zamolit ću vas da malo sačekate ima konkretnih pitanja za Vas i Vi ćete kad iscrpimo diskusiju, dobit vrijeme za svoju riječ

Vijećnik Elvir Vehabović: Prvo da vas sve pozdravim. Što se tiče borbe za radnike, to će uraditi od 01. januara povećat će minimalac za 1.000,00 KM, pa se mi nećemo ovdje morati oko toga sikirati. Vi ćete dobiti svoje zasluženno, tako da nećete dobiti zbog nas niti ćemo vam mi moći donijeti, niti uzeti. Tako što vam mi ovdje pričamo i obećavamo niz vodu. Interesuje me konkretno podatak ako znate da mi odgovorite. Evo uzet ćemo okvirno neku, bilo koju godinu koliki je broj uposlenih bio 2017, 2018. godine a koliko danas i koja je to razlika u broju uposlenih? Imam još jedno pitanje i znam 100 % da su primjenjivani dostruki aršini u naplati odvoza smeća. Postoje firme kako smo rekli koji su plaćali po 4,5,6 hiljada a postoje firme koje plate odvoz kontejnera 80,00 KM. kvadrature približno iste. Neko može platiti kontejner, konkretno sam bio direktor Doma zdravlja a Dom zdravlja plati po kvadratu, što bi naš narod rekao 3 duluma. Uredno sve plaćali a nekom se uradi dogovor i on plaća kad se kontejner napuni. Eto gdje su problemi. Mi možemo ovdje donijeti odluku da odvoz smeća po kvadratu 68 maraka ako se tamo ona nije provodila kao ni ova prošla. Vi ćete opet imati problem, opet će biti gubitak jer se naplaćuje od onog ko štiti i plati i ko nema zaleđinu, nema nikog. Bez obzira koja politička opcija. Provjerite mogli ste barem do sada provjeriti koliko je koja firma u Maglaju plaćala za odvoz smeća u proteklih 4-5 godina. Imate fakture, to se lagano ukuca i vidi se. Ta firma platila toliko para i vidite nesklad. Vidite fakturu kako jedan plaća, vidite kako drugi plaća. Nije to jedna firma, to je više firmi. Sad mi trebamo ovi koji uredno plaćaju, njima će opet poskupiti da bi ovi mogli i dalje nastaviti da plaćaju 50,60,70 maraka. Pa ćemo doći za dvije godine opet, pa ćemo opet povećati po kvadratu i ovi što plaćaju opet će štititi i opet plaćati a ovi će opet odvoziti po 50,60,70 maraka jedan kontejner. To je ono što je falilo u ovoj analizi. Zašto i ko je kriv što se nije svima isto naplaćivalo i dan danas se ne naplaćuje. Pa tako ne možemo reći da neko bivši kriv. Svi su radili po istom sistemu, samo se mijenjale firme koje su bile podobne. Jedno vrijeme jedni u drugo vrijeme drugi. Onda ja izađem i kažem treba radnicima povećati plate ja sam za vas a ovim milionerima neka plaćaju po 50 maraka.

Predsjedavajuća Aida Bašić: Hvala Vehabović, gospođa Zamboni izvolite.

Vijećnica Svjetlana Zamboni: Mi svakako da ne možemo kao vijećnici dati odgovore na sve ove dileme koje su ovdje postavljene po pitanju evo i analize i prijedloga koje je iznijela gospođa Pepelar, te se nadam da će se ona osvrnuti na sve ove diskusije i sve dileme koje su odnosno pitanja koja su ovdje postavljena. Kada je u pitanju dorada materijala već dva puta vraćamo materijal vezan za Komunalno na doradu. Šta je poenta više vraćanja na doradu, kad ne kažemo ni šta tačno hoćemo u doradi tog materijala. Možemo ovo odugovlačiti još 2 ili 5 godina, ne znam ni ja koliko i na taj način nećemo zaista učiniti ništa korisno za Komunalno javno društvo. Ukoliko izlazimo i tražimo da se nešto doradi, vraćamo na doradu, trebamo biti decidni u podatku na kojem insistiramo ili te odgovore tražiti odmah ovdje sa govornice. Prisutna je kompletna uprava, menadžment Komunalnog javnog društva za koji vjerujem da imaju odgovore na sve naše dileme kada je ova analiza u pitanju. Što se tiče sistematizacije i izjave koja je ovdje sa govornice data od gospodina Begića da samo ova tri radnika koja su na određeno ispadoše jedini radnici a svi ostali zastalno uposleni radnici ispadoše neradnici. Moram naravno evo i na neki način reagovati na takvu izjavu. Ispade da troje ljudi u Komunalnom radi a 48 ne radi ništa. Sama gospođa Pepelar kazala je da po sistematizaciji postoji 66 mjesta dakle koja nisu popunjena, 51 radno mjesto je popunjeno na način na koji je to predstavljeno ovdje i mislim da nije adekvatno poređiti Komunalno javno društvo da nekom firmom koja obavlja totalnu drugačiju djelatnost koja nije terenska, koja nije organizovana na isti način. Možemo poređiti samo firme iste djelatnosti, nikako drugačije djelatnosti pa da iznosimo ovdje koliko treba šefova, koliko treba rukovodioca, koliko treba poslođa, radnika itd. Ono što ja mogu reći sigurno i u ime Kluba jeste da uprava će nadam se ponuditi neke odgovore. Nismo za to da se materijal ponovo vraća, nego smo za rješenja. Dakle da

pokušamo iznaći rješenje u vidu određenih prijedloga koji će ići u javnu raspravu pa neka građanstvo pa i privredni subjekti ali i građani kažu svoje na prijedlog Odluka koje će možda uslijediti iz svega ovoga o čemu mi govorimo. Jedna kvalitetna, dobro organizovana javna rasprava sa dobrom prezentacijom onoga šta je na umu i za sanaciju. Dakle ovog trenutnog stanja u društvu, mislim da će uroditi sigurno dobrim rezultatom u vidu odluka. Kada je gubitak društva u pitanju mislim da je gospođa Pepelar prilikom iznošenja Izvještaja o kojem smo ovdje raspravljali pokušala dati sliku zašto je nastao gubitak. Znamo kako smo se izjasnili po pitanju gubitka, nismo ga naravno podržali, što je sasvim i prirodno je li za naš posao ali vi ste pokušali objasniti i zašto u izvještaju stoji toliki gubitak, kako je nastao, od kada datira itd. Ja se još uvijek sjećam vašeg izlaganja ovdje sa govornice pa nadam se da će vijećnici i to uzeti u obzir kada iznose određene stavove ovdje sa govornice. Dakle, ono na šta sugerisem jeste dakle na niz prijedloga i gospođa Hadiž je iznijela neke od njih i mi smo također planirali subvencije predložiti za socijalne kategorije kada su plaćanja u pitanju ali kasnije kada budemo iznosili sve prijedloge na kraju. Dakle, mislim da trebamo danas izaći sa prijedlozima i dati konačno našu asistenciju u sanaciji ovoga što se događa u društvu a ne vraćati materijal i ne prolongirati više odluke koje leže na našim plećima, željeli mi to ili ne.

Predsjedavajuća Aida Bašić: Hvala gospođu Zamboni. Replika Begić izvolite.

Vijećnik Jasmin Begić (replika): Ja bih zamolio vijećnicu Zamboni ako me ne može citirati da me ne parafrazira jer to loše radi. To su sasvim druge informacije koje ona prenese za ovom govornicom. Nije tačno da sam ja rekao da su to tri radnika, to ste Vi rekli. Svi su oni radnici, svi su radnici ali je samo razlika neki dobijaju platu a neki zarađuju platu. To je velika razlika. Vi jako dobro znate i ovo što je gospodin Vehabović rekao i ovo što ja govorim da je to sve istina. Da je Komunalno preuzeće funkcionisalo od rata jako dobro dok niste došli vi na vlast jer vi što dotaknete vi i sahranite. Imat ćemo isto tako problem i kad dođemo u Opštinu akobogda na mjesto Načelnika. Isti ćemo problem imati ljudi jer to je sistemsko upošljavanje i zbrinjavanje ljudi koji apsolutno ništa ne rade jer oni su stranački došli. To imamo u svim javnim ustanovama. Ja te poslove neću raditi. Neće ni moj niko ali ako zaposlite ljude zaposlite radnike, nemojte neradnike jer ti neradnici dolaze na grbaču ovom napaćenom narodu u Maglaju. Sve mi moramo platiti. Nije problem zaposliti radnika.

Predsjedavajuća Aida Bašić: Hvala gospodine Begiću. Gospođa Zamboni replika javili ste se izvolite.

Vijećnica Svjetlana Zamboni (replika): Kad vijećnik Begić traži da citiram rekao je samo ovi na određeno su pravi radnici, svi ostali su neradnici, pa onda u zbiru toga ispadne 48 plus 3. Ništa više.

Predsjedavajuća Aida Bašić: Hvala lijepo. Gospodin Smailović.

Vijećnik Almin Smailović: Ja pozdravljam sve prisutne pošto izlazim prvi put za govornicu. Većinu stvari je Svjetlana rekla na fonu na kojem sam ja htio da govorim. Ja bih želio da pohvalim rad Komunalnog javnog društva. Možda to izgleda sad ovako nešto smiješno. Zaista mi u ruralnim dijelovima smo dobili značaj kroz određene mjere da nam se odvozi smeće. Da imamo određene usluge koje nikada nismo imali. Ja živim pored rijeke gdje sad trenutno nema smeća i vidim koliko sve to obavlja Komunalno javno društvo. Gospođa Pepelar je ovdje otprilike svoju prezentaciju dobro usmjerila. Ja nisam nešto puno ni čitao materijale ali nakon njene prezentacije sam shvatio određene stvari. Ne želim da ulazim u dio tih nekih stranačkih zapošljavanja pa nesposobnosti direktora, pa prevelikog broja radnika u administraciji. To neka neki drugi sude. Što se tiče i administracije pa i administracija radi svoj dio posla. Ima i u mene u školi neki radnici rade veći dio posla, neki manje ali u kompletu ili u globalu svi mi obavljam određene zadatke na kraju da bi funkcionisalo to javno preuzeće. Dakle, stvar je jednostavna ja ne želim da ulazim u sferu tih gubitaka preuzeća. Gubici su laiku ovdje jasni da su iz razloga što nisu se pratili poskupljenja sa troškovima na tržištu. Također, ove plate pa i u javnoj administraciji ne znam kolike su ali vjerovatno su niske. Kod nas u prosvjeti su poprilično fine plate ali sve je manje i manje radnika. Sve je manje i manje radnika. Ljudi sa visokim stručnim spremama odlaze iz ove zemlje. Neće da rade posao. Kako ćemo mi motivisati da ljudi rade za 800 ili 1.000 maraka više nekoga. Pogotovo

da rade ovaj tako da kažem ovaj jedan najprljaviji dio posla oko kontejnera gdje između ostalog osim onog dijela gdje je prljavština u pitanju ima i određene supstance koje ljudi moraju obrisati i moraju svoje zdravlje narušiti u tom dijelu. Možemo mi raspravljati i ovu sjednicu svesti na određene politikanstvo što sam ja i pretpostavio da će se desiti, međutim mi moramo naći rješenja. Mene u suštini ne zanima ni ko će biti direktor budući. Da li će se mijenjati vlast ali ko god da dođe i naslijedi to da to bude ovaj javno preduzeće koje će funkcionisati. Zbog svih nas ne samo radnika. Radnici će možda raditi tu pa će raditi negdje drugo. Zbog mene prvo treba jako Komunalno javno društvo. Tako da se manemo tih stvari SDP, kriminalna vlast, kriminalna hobotnica. Sad kad bih ja govorio o SDA, mogao bih dva sata govorit o kriminalnim stavrima i hobotnicama. Nemojte da tako krupne riječi koristimo za ovom govornicom.

Predsjedavajuća Aida Bašić: Hvala Smailović. Gospodin Šehić izvolite.

Vijećnik Senad Šehić: Evo kad već pričamo o statistici i podacima brojnim dilemama. Ja sma maloprije naglasio Komunalno danas je na optuženičkoj klubi pa imat će evo puno pitanja za odgovoriti. Dakle na pitanje koje se odnosi koji su milioneri amnestirani kad aje u pitanju odvoz smeća, ja također imam jedno pitanje za predstavnike društva pa ukoliko su u mogućnosti da odgovore na njega a ono glasi koliko je novih korisnika uvedeno u sistem u posljednjih 5-6 godina a koji su amnestirani zbog političkih i brojnih drugih prilika.

Predsjedavajuća Aida Bašić: Hvala lijepo. Pauza na zahtjev gospodina Bešića nastavljamo dalje. prije pauze se gospodin Jašić javio za riječ izvolite. Napominjem Begić nije u Sali.

Vijećnik Safet Jašić: Selamim i pozdravljam sve prisutne i drago mi je čuli smo ovdje dobrih prijedloga i kritika itd. ja ću ovom prilikom čestitati i pohvaliti uposlene radnike Komunalnog javnog društva one radnike koji rade na odvozu smeća, koji rade na održavanju vodovoda itd. Niko na višim pozicijama nije rekao evo ja ću malo spustiti platu sebi a dodati ovim radnicima. Nisam stvarno do neki dan znao d aje to tako niska plata i jedna i ja sam rekao što sam mislio što se tiče ovih radnika. Ne želim nikakav populizam po ovome nego zaista je to tako. Više je razloga zašto je Komunalno javno društvo došlo u ovakvu situaciju. Prije svega nesavjesno radi rukovodstvo odnosno direktor. Ne može neko planirati izgradnju nečega što košta 128.000,00 KM i niko ga ne pitati i gospođa Pepelar radi se o pijaci, iznijela podatak na godišnjem niovu 4.000,00 KM društvo ima od pijace. Uloženo je 128.000,00 KM , treba znači 25 godina d abi vratio ono što je uložio. To ja zovem nesavjesnim radom. Dalje, loš odnos direktora i Načelnika. To je svima poznato. Nemojte mi samo reći d anije dosta doprinjelo i taj loš odnos. Mi znamo da Općina ima, u ovom slučaju Općina je osnivač Komunalnog javnog društva. Da ima obaveze prema društvu. Prema tome ako su oni imali tako loš odnos a svima je to dobro poznato. Komunalno javno društvo nije moglo ni imati podršku, niti je imalo, zato je i došlo u ovu situaciju. Gdje god griješim slobodno neka neko replicira, neka mi kaže da nije ovako. Kako je direktor Komunalnog javnog društva do 2016. godine sa manjim cijenama imao suficit od milion i nešto do imenovanja ovog direktora o kojem sada pričamo. Kako se to moglo dogoditi i svi radnici bili zadovoljni bez obzira što je plata, pravljen je poređenje kolika je plata bila tada a kolika je danas. Tada je bila situacija i ekonomska i cijene su bile drugačije i naravno plaća se kreće ide naprijed. Kako je to moguće, kako je onaj direktor mogao uraditi. Pa nije nesavjesno poslovaio, domaćinski se odnosio prema firmi. Pomenula je gospođa Pepelar Azra da trenutno uposleno 51 radnik i da treba ići na 66 što znači još 15 radnika, ne znam kojeg profila ali uglavnom u ovoj situaciji mislim da to treba debelo zaboraviti dok se stanje društva ne popravi kada su finansije u pitanju. Ja ću reći na kraju da je u toku izbor novog direktora, svima je poznato i mislim da treba direktoru dati šansu, dati mu podršku maksimalnu i da Komunalno javno društvo koje je nekad bilo gigant poslije Natrona u Maglaju i tako je značio, tako je i kotirao na općini Maglaj da se vrati u to stanje. Ja se nadam da će to tako biti i da će radnici biti zadovoljni i bilo bi mi draže danas da pričamo o nekim milionima o nekim ulaganjima u društvo. Ovo stanje je jedno i bijedno a rekao sam razloge zbog čega je to. Neka neko navede drugo ako misli, ali ja mislim da su ova tri razloga razlog zatšto je društvo u ovakvom stanju. Hvala.

Predsjedavajuća Aida Bašić: Hvala gospodine Jašiću. Replika Zamboni pa Arif.

Vijećnica Svjetlana Zamboni (replika): Ne mogu a da ne podsjetim ovo Vijeće evo i gospodin Jašić i ja sjedili smo ovdje kada nas je uprava društva izvijestila o problemima sa inspekcijskim nadzorom i naredbama koje su došle u tom smislu a vezano za pijacu. Dakle izgradnja pijace bila je na određeni način neminovnost, nalog inspekcija. U suprotnom smo mogli zatvoriti pijacu i ne imati je na općini Maglaj. Ispravite ma ako je bilo drugačije. Znam da je ovo Vijeće donijelo Odluke određene i u smislu sufinansiranja tog projekta ali znam da je to bio nalog inspekcija. Imali smo ovdje u Vijeću dilemu da li ne imati pijacu mliječnu ili imati pijacu a moralo se uložiti određena sredstva. O visini projekta neću da govorim, on je vjerovatno izašao najjeftinije moguće a da se zadovolje inspekcijski kriteriji. Znači, moramo voditi o kontinuitetu donošenja odluke jer smo je donosili ovdje i neke stvari smo rješavali za dobrobit građana općine Maglaj. Što se tiče ovih poskupljenja o kojima gospodin Jašić je govorio do 2016. godine ja nisam stručnjak za ekonomiju niti za tržište ali znamo kad aje nastupila inflacija i kada je došlo do iznenadnog rasta cijena i na koji način se rast cijena odrazio na poslovanje svih preduzeća pa i Komunalnog javnog društva ali i naravno poslovanje ustanove ili bilo kojeg drugog sektora. Ima ovdje dovoljno ekonomista koji se mogu osvrnuti i na taj dio. Tako da ja ne bih to vezivala za određene mandate direktore ove ili one, nego ipak moramo posmatrati tržište. Pa dobro ako bi ste onda hajde da govorimo o tome kako je poslovalo Komunalno javno društvo 2017,2018 i 2019. godine i u vrijeme pandemije itd. koliko je ovo što je postavljeno pitanja iz Kluba SDP-a koliko je uvedeno novih korisnika. Mislim možemo sagledavati iz više aspekata više uglova postupke uprave društva pa ćemo vidjeti da tu zaista bilo i dobrih odluka, da je tu bilo korisnih odluka za poslovanje u finansijskom smislu društva. Da ne stavimo akcent samo na ono loše. Ovdje su iz različitih klubova izašle pohvale na rad uposlenika, na zadovoljstvo na terenu, na izgled našeg grada. Dakle pohvale koje smo dobivali stalno. Ipak neko rukovodi tim preduzećem i neko te radnike drži na nivou. Znači, malo ko od nas sam od sebe pokazuje je li tu volju. Postoji određena hijerarhija u poslovanju. Zna se da mora postojati i to je rezultat ne samo pojedinca nego poslovanje i trud svih uposlenika u firmi.

Predsjedavajuća Aida Bašić: Hvala gospođu Zamboni. Arif se javio prije za repliku.

Vijećnik Arif Mujkanović (replika): Samo Safete najvjerovatnije da nisi u materijalu dobro shvatio jer ste rekli podatak o minusu. Vjerujte da niste upravu, jer ste rekli da 30 godina bi trebalo da se to vrati. To je gubitak koji se javlja na godišnjem nivou, pošto ni meni zaista nije jasno 4.000 maraka pa ih volio da malo obrazložite i to. Podatak koji ste rekli to nije tačan. Izračunaj Safete vjeruj mi pogriješio si. Sljedeća stvar uzeli ste ono što ne trebate spajati, odnos Načelnika i direktora, personalno njihov odnos. To nije uredu, mislim to su privatne stvari koje ima neko ili nema povjerenje. Ipak treba napomenuti rekli ste rad direktora, Meša je čovjek koji je doveo ovaj vodovod koji imamo sada. Moramo se sjetiti Safete za vrijeme onog prijašnjeg perioda kada nismo imali uopšte vode. Gdje je grad bio danima pa i mjesecima. Znali smo čitav i ljetni zimski period da nemamo vode u Maglaju. Sada redukciju gotovo da i ne poznajemo. Koliko je uvedeno novih korisnika, koliko je poboljšano. U nekom periodu kada se desila neka razmimoilaženja, kada je Načelnik izgubio podršku, direktor ne Načelnika nego rukovodstva SDP-a. Zato kažem ovaj to je shvatljivo da vi možete, mislim opozicija ste bili u tom momentu sad ste pozicija, morate da shvatite da je to tako bilo. Neko je imao podršku nekada nemaš a jedna stvar da vam kažem o Meši, Meša je podigao zaista rad društva na nivou u odnosu na prijašnji period 100 kategorija, vjerujte 100 kategorija. Tek toliko da vam malo obrazložim.

Predsjedavajuća Aida Bašić: Hvala lijepo, gospodin Jašić izvolite.

Vijećnik Safet Jašić (replika): Arif je moj prijatelj, neću mu nšta replicirati ali kad je u pitanju hoću gospođi Zamboni, kada je u pitanju pijaca nije to tako. Pijaca se mogla napraviti na drugi način i sa manje sredstava. Nije to tako kako vi govorite. Ja sam još nešto zaboravio da kažem, između ostalih krivaca. Kriva je i komotna većina koja je donijela ovdje odluku za takvu pijacu. Komotna većina kad ste dizali ruku samo daj da budemo kontra onoga što je rađeno nekad i što je ispravno. Prema tome, slobodno možete se osjećati kako god hoćete ali ta komotna većina je dobro doprinijela stanju u društvu, da je ovako.

Predsjedavajuća Aida Bašić: Hvala gospodine Jašiću, gospođu Hadžić izvolite.

Vijećnica Aida Hadžić: Ja bih samo zamolila da ne znam, da se možda vratimo na konkretne stvari, konkretne prijedloge. Mi do sutra možemo kriviti i hvaliti jedni druge. Svi imamo i greške i svi imamo i dobre stvari. Zaista evo ovdje je izneseno dosta tačnih informacija kada je direktor Bradarić u pitanju a i mora i on sam biti svjestan a i mi da ima i dosta grešaka. Znači kao i svi ljudi, ne griješi samo onaj ko ništa ne radi. Kamo sreće kad bi mi imali sistem takav da svako odgovara za svoje posljedice i ne urađeno. Jel Općinsko vijeće krivo što nisu odluke donešene? Jeste ja sam za to Fikrete i rekla da smo krivi mi. Tada nisam bila ja ali evo kažem Vijeće zašto većina ovih odluka za društvo nije donešena. Ne možemo krivit ni sam menadžment samo da je on kriv. Ima dosta krivice i u službama i u Načelniku i on mora biti svjestan toga. Hajmo ako je ikako moguće sa prijedlozima. Da vidimo šta se može učiniti. Opet kažem bilo bi idealno kad bi u narednom periodu svako odgovarao za svoje postupke. Ako nismo uradili nešto kako treba zamislite idealnu situaciju da direktor ako ne uradi sljedeće godine što mu je dato da da ostavku ili da mi ovdje ako nismo u stanju da izvršavamo svoje obaveze da podnesemo ostavku. To bi bilo idelano. Pošto tako ja sumnjam da će biti u skorije vrijeme, nismo još na tom mentalnom nivou da snosimo posljedice baš svi, tako da predemo možda na prijedloge ili da nam iz Komunalnog daju odgovore na ova pitanja što imamo.

Predsjedavajuća Aida Bašić: Hvala, gospodo Hadžić. Abdurahmanović izvolite.

Vijećnik Adis Abdurahmanović: Evo ja selamim i pozdravljam sve prisutne. Nisam mislio izlaziti pošto su drugi bili ispred Kluba vijećnika ali evo kratko ću. Naslušali smo se danas ovdje i kritika malo manje pohvala, mislim da svako treba da odgovara za što je odgovoran a cilj nadam se i želim da vjerujem svih nas 25 je da donesemo najbolje odluke za Komunalno, za ove vrijedne radnike koji su po meni najviše pridonijeli svemu ovome, čistoći našeg grada i ostalo i jedini su se i pojavili tu. Vidim nešto malo iz administracije ali većinom ovi ljudi koji najveći teret iznose. Pozivam nas svih 25 prvo bih pozvao Nadzorni odbor ili gospođu Pepelar. Nadam se da ste pisali sva pitanja da nam bez obzira ništa ne krijete da nam ovdje iznese i odgovorite na ta pitanja, da ne bi vraćali analizu na doradu. Zato nam ovdje odgovorite da se povučemo svi. Ako je ikako moguće da donesemo zajedničke zaključke i prijedloge je li ovo preduzeće više ne može trpiti nikakva odlaganja. Sad kažem par puta sam htio izlaziti i replicirati ali nisam želio dalje komplikovati. Evo od mene jedan prijedlog kao građana Maglaja, ne člana SDA, koji ima priliku da ovo iznese za govornicom da razmislimo svi, da ukoliko je moguće da donesemo neke zajedničke ako treba i da usklade predsjednici Klubova vijećnika da se donese ono što je najbolje za Komunalno. Opet bih zamolio Nadzorni odbor da budu maksimalano koliko mogu odgovoriti na postavljena pitanja i ukoliko je moguće pošto vidim mnogo ovdje radnika Komunalnog, vidim i predsjednika Sindikata. Ukoliko je moguće dozvoliti barem ukratko da nam se obrati neko ispred njih i da onda uzmemo pauzu ma koliko da traje ali da donesemo najbolje zaključke za ovo preduzeće. Razne priče po gradu kruže kako neko želi dovesti preduzeće do kolapsa da bi se privatizovalo ali ne, to su neistine. Ja neću pričati o onoj nekoj tamo, nekim ljudima koji su vodili i ovim sada. Svi mi znamo šta je zadnji par godina problem Komunalnom, ne bi to ponavljao. Pretrpili smo evo, čuli smo mnoge i kritike što je po meni ok, onaj ko griješi i treba da se kritikuje. Na kraju krajeva i kad se vratimo u normalu treba da odgovara svako ko je kriv a Komunalno ne treba da trpi, radnici ne trebaju da trpe. Na kraju građani Maglaja ne trebaju da trpe. Ovo je po ovoj tački ponovo ću izaći kada bude oko cijena ili evo mogu se dotaći i da ne izlazim. Mislim da veoma je bitno da kad budemo formirali cijene. Da slažem se da nigdje mislim u Bosni ne postoji ova cijena vode. Tako isto imam svoje stavove oko naplate smeća. Mislim da je veoma mnogo bitnije da se odluka u potpunosti poštuje, da nema onih koji ne trebaju da plaćaju i onih koji plaćaju. Ja evo sasvim slučajno privatnik sam i plaćam za obadvije radnje i trebam da plaćam i plaćao sam i u onom periodu tamo nekom i u ovom sada i u narednom ma ko da bude ali da se radovi i psolovi koje Komunalno treba da obavlja rade pa po meni možda pa recimo jedne od u okruženju odnosi se sa na radnike, pa možda najbolje što se tiče čistoće i toga svega ali dajte da se ne ponavljam. Dajte da donesemo najbolju odluku koja će ovo društvo vratiti tamo gdje je nekad bilo.

Predsjedavajuća Aida Bašić: Hvala, gospodin Šehić izvolite.

Vijećnik Senad Šehić: Samo kratko zaista da pohvalim ovaj konkretan prijedlog kolege Abdurahamnovića. Ovako zvuči jedno razumno, kvalitetno i korektno izlaganje i želim da sam istaknem baš u ovoj sam pauzi u ime Kluba SDP-a predložio i predsjedavajućoj i dopredsjedavajućoj da se nakon ove prve tačke povučemo svi da održimo jedan Kolegij i da, nadam se danas donesemo najkvalitetnija rješenja.

Predsjedavajuća Aida Bašić: Hvala Šehiću, javljam se za riječ.

Vijećnica Aida Bašić: Sve nas zajedno podsjećam da smo još uvijek na prvoj tački i diskusija traje poprilično. Vezano za samu Analizu, smatram da je Analiza urađena solidno da je prezentacija koju je gospođa Pepelar uradila poprilično dobra. Naravno da je ostalo mnogih stvari koje nisu obrađene ali to je tako. Nisam da se Analiza vraća na dopunu. Zainteresovana sam da se danas donesu konkretni zaključci, da se pokrenemo sa mrtve tačke i da mi kao Vijeće budemo podrška Komunalnom javnom društvu. Mislim da većina nas razmišlja i nakon zatvaranja diskusije, odnosno nakon svih vaših prijedloga, zaključaka ćemo to i uraditi. Ja imam jedno konkretno pitanje a odnosi se ne nelegalne priključke. Ovdje stoji u materijalu koji ste nam dostavili, kaže provode se aktivnosti na otkrivanju ilegalnih priključaka i poduzimaju mogući koraci. Zanima me koje su to aktivnosti i koji su to koraci kad se otkriju ovakve pojave? Hvala.

Dopredsjedavajuća Aida Hadžić: Hvala predsjedavajuća.

Predsjedavajuća Aida Bašić: Gospodin Salatović izvolite.

Vijećnik Edin Salatović: Poslije kolege Abdurahamnovića teško je biti nadahnut ali evo ja neću dugo ništa, nego ću samo ovako jednu stvar bih podcrtao. Ovako 2013. godine za održavanje javne higijene i zelenila bile su predviđena sredstva u ukupnoj visini u budžetu od 299.679,00 KM sa PDV-om. U 2022. godini za održavanje javne higijene i zelenila predviđena su sredstva u ukupnoj visini od 235.000,00 KM sa PDV-om. Na osnovu čega se može doći do zaključka da su nakon pandemije i povećanja posla, obima posla sve teže poslovanje, inflacije itd. sredstva osnivača u odnosu na prije 10 godina bila manja za 64.679,00 KM. Ja vas molim evo kad budemo pravili zaključke da se na kraju krajeva na neki način da i sugestija osnivaču ako ništa drugo barem da vratite na ovaj nivo koji je bio prije 10 godina.

Predsjedavajuća Aida Bašić: Hvala Salatoviću. Ima li više vijećnika i diskutantata? Nema, ja pozivam predsjednicu Nadzornog odbora. Može gospodine izvolite.

Nermin Husukić: Selamim i pozdravljam to ono ko uvertira. Obraćam se kao predstavnik radnika koje sam tu pozvao baš iz jednog prostog razloga da vide prvenstveno svoje kolege koji sjede u vijećničkim klupama kako se zapravo odnose prema njima. Danas smo vidjeli da su im puna usta hvale, najbolji radnici, sve najbolje, svaka čast to tako treba. Drugo, zabrinuti sam predstavnik ljudi s mizernom platom na rubu egzistencije. Znači, ja ovdje imam jednu platu listu svog jednog radnog kolege koji za 168 radnih sati, dobio 648,00 maraka. Znači, vi dobijete više paušala sjedeći nego oni.

Predsjedavajuća Aida Bašić: Ispravka krivog navoda, nije tačno, izvolite nastavite.

Nermin Husukić: Hajde dobro. Pitajte koliko ih je s porodicama otišlo na godišnji odmor na more ove godine. Ja mislim da nije ni jedan. Čak i onu priliku koju su imali da odu besplatno nisu dobili jer nisu zaslužili a puna su usta radnika. Vjerovatno nisu trebali biti nagrađeni. Radnici su na rubu egzistencije prvenstveno zbog nemara, kako vas većinskog vlasnika, Načelnika općine, uprave društva, zajedno sa Nadzornim odborom. Mislim da trenutni sastav Nadzornog odbora jer niste se baš nešto bogzna ponijeli prema radnicima. Godinama unazad oni rade za te neke mizerne plate ali eto. Kao predsjednik Sindikata, uposlenik firme i predstavnik tražim da vi kao većinski vlasnici počnete odgovorno da se odnosite prema Komunalnom javnom društvu jer ovo što vi radite ubija moral u ovim ljudima. Danas ih imate za radnike, sutra ih nećete imati. To vam ja kažem zato što je takva tamosfera među ljudima da ih sve više i više razmišlja da napusti ovo radno mjesto. Bolje je kažu otći na građevinu zaraditi 1500,00 KM na crno nego ovako dati leža nizašta. Pada, puše, kisneš, mrzneš sve za 700,00 KM. Tražim da Nadzroni odbor radi svoj posao, da sve nelegalne stvari ako postoje i ako one znaju ili da pozovu finansijsku inspekciju ili policiju ili bilo koga pa da se to hajmo unazad ali nemojmo samo unazad 4-5 godina. Hajmo unazad 15 godina vratiti pa da ako treba svi papiri sve pribišću ali i to ne može proći. Zašto to ne može proći. Zato što je dosta

arhive iz te nekadašnje tamo graniture fali. Te neke godine obijeno Komunalno javno društvo i odnesena centralna jedinica, zamislite od onoliko svega ono centralnu jednicu odnijelo. Pa poplava odnijela sve papire, nema dokaza. Da se zaposli akobogda napokon jedan stručan kadar na mjesto tehničkog direktora vodovoda ne podoban nego sposoban jer svi znate da samo jedna greška može dovesti do trovanja cijelog grada. Samo jedna greška a ovo što vi tražite te neke nemojte molim vas nam više postavljati hajmo reći te vaše političke podanike za direktora, klimoglavce kako ih već zovete ne znam ni ja. Dajte nam čovjeka koji zna raditi svoj posao i koji će nas izvesti iz svega ovoga nije problem. Ne radimo mi ništa previše osim onoga što nas sljeduje. Tražimo hitno rješavanje finansijske situacije u kojoj se preduzeće nalazi, što je na kraju vaša obaveza kao većinskog vlasnika. To tražimo samo da se poštuje član 19. Stav 3 koji je kolegica Azra već iščitala i kaže: „Odnos cijena usluga komunalnih proizvoda i usluga individualne potrošnje za potrošače, domaćinstva, stambene objekte i stanove i potrošće pravna lica i subjekte u poslovnim objektima i prostorima odredit će svojim propisom Općinsko vijeće“. Stav 8 kaže da ukoliko organ iz stava 3 ovog člana utvrdi nižu cijenu usluge od ekonomske cijene korištenja ili je ne usaglašava sa rastom cijena onda isti organ davaocu komunalnih usluga obavezan nadoknaditi razliku sredstava. Vi cijene niste usklađivali od 2003. godine, ne mislim vi nego Vijeće naravno. Toliko imam sada da kažem a vama na sramotu ostalo. Doviđenja.

Predsjedavajuća Aida Bašić: Hvala gospodine Husukuć. Evo nakon Fikret Delić replika.

Vijećnik Fikret Delić (replika): Ja ne mogu shvatiti da neko može reći da su vijećnici krivi. Mislim slušaj, treba tražiti krivca da se zna ko je kriv, da neko upre prstom i kaže taj i taj. Prijatelju Husika u Bosni i Hercegovini su sve firme uništene, pokradene i opljačkane i znamo Energoinvest, Hidrogradnja, Šipad, Krivaja i još mnogo njih jel i jedan parlamentarac kriv za to. Ma nije krivi su tamo oni, oni su krivi koji upravljaju firmom i koji. Ne mogu ja biti kriv za nešto, za neki gubitak što sjedim ovdje. Ako treba evo ruku ćemo dići svi ali da ja sada kao vijećnik budem za nešto kriv, daj molim te. Tako i ovaj parlamentarac u Sarajevu, nije ni on nego su krivi posebni.

Predsjedavajuća Aida Bašić: Kusur izvolite.

Vijećnik Eldis Kusur (replika): Mislim da bude jasno, u potpunosti se slažem sa svim rečenim što je kolega Abdurahmanović kazao i zaista mi nakon zašto smo danas tematska sjednica, znači imamo mogućnost da govorimo licem u lice da iznosimo neka svoja pitanja i razmišljanja, ali na kraju slažem se sa Abudrahmanovićem i prethodnicima koji su takvi kao Aida Hadžić i Svjetlana iznijeli prijedloge da zajednički sjednemo i nađemo najbolje rješenje za Komunalno, jer je u interesu nam da društvo počne poslovati kako treba. Ne bih se sa zadnjom rečenicom onako ja ne znam svi ste čuli gospodin predsjednik Sindikata gospodin Huskić kaže da nas je na sramotu. Mislim Nermine, uz dužno poštovanje svega mene je to pogodilo. Ja kao vijećnik nisam uopće ja i moje kolege i svi ostali nismo krivi za ovo što se dešava u Komunalnom. Što se tiče mene imat ćete priliku izaći za govornicu nemojte mi sada replicirati. Upravo ovakvo bahato ponašanje je dokaz ovog što se dešava u Komunalnom. Ja sam možda bio direktan i brutalan kad sam to govorio ali zaista za poslovanje jedne firme, odgovoran je menadžment, Nadzorni odbor, nikako ne mogu biti odgovorni radnici. Ja kao vijećnik uopšte ne osjećam odgovornost za ovo što se dešava u Komunalnom. Meni je žao što se to dešava i upravo si vidio sam i ja drugu platnu listu 649,00 KM. zaista ti ljudi koji su na ulici, koji najveći dopinos daju u radu društva oni su najmanjompaltom nagrađeni. Dok imamo u okruženju eov konkretno imam kolegu koji radi u Zagrebu, samo ne znam kako se tačno zove, holding je kod njih. On ima pored plaće i na sramotu, dobije na sramotu još jednu plaću ali izgleda ovdje generalno gledajući kod nas to je apsurd čitave države ali generalno gledajući ova javna preduzeća. Znači, udri onog ko najviše radi, onaj ko ne radi ne mora nit raditi. slažem se ja, neko je iznio konstataciju da i ovi ljudi koji rade u administraciji, zaista rade i ja sma dio administracije ali htio sam kazati ovdje danas su samo oni ljudi koji najviše rade i kojima smije neko tamo iz menadžementa reći halo idi tu, idi tu a ima onih kojima se ne smije ništa reći. Ovih 26 ljudi koji su na komunalijama, 16 ljudi NK i ljudi rade. Ja pozivam evo ovim putem menadžment, Nadzorni odbor da ovi ljudi i ovo troje ako su čistači, ako su ljudi na ulici, da im se produži, da im se da ugovor na neodređeno vrijeme da i oni osjete tu blagodat da ne moraju razmišljati da će im 31.12. isteći ugovor i da 01.01. nema na poslu a on

hizmeti i radi. Zašto sam u svojoj diskusiji kazao komisije, zaista mi smo ovdje postavili mnoštvo pitanja, meni je žao što predsjednica Nadzornog odbora lično shvata ove kritike. Ipak imenovani ste na tu poziciju i ovdje ste dužni da odgovarate nama na pitanja koja smo postavili a također i Sindikatu. Još jednom ponavljam ja kao vijećnik neću da se sramim, ja se ponosim ovim ljudima i nije to nekakvo reklamiranje jer većinu ovih ljudi poznajem i oni rade zaista čestito svoj posao za 649,00 KM.

Predsjedavajuća Aida Bašić: Hvala gospodine Kusrur. Gospodine Husukiću dat ću Vam riječ ukoliko ćete biti konstruktivni jer mi moramo raditi dalje. Ne želimo sada dalje da se međusobno..

Nermin Husukić: Kad sam rekao na sramotu nisam mislio na vas na ovu garnituru, nego sam mislio na Vijeće koje od 2003, odnosno 2009. godine nije vodilo računa o Komunalnom javnom društvu. Odgovornost Nadzornog odbora ako je znala da je firma u problemu, zašto nije upoznat većinski vlasnik. Zašto se nije intervenisalo na vrijeme. Ko je držao sve to pod ručnom, eh to je ono što ja hoću da kažem. Znači, ako mislite da postoji kriminal u zgradi Komunalnog evo vi ste većinski vlasnik, uvedite finansijsku policiju, uvedite tužiteljstvo pa neka se to malo pretrese. Ko god je kriv, neka odgovara i ja ovaj i svi ostali. Toliko.

Predsjedavajuća Aida Bašić: Hvala Vam lijepo, gospodin Vehabović izvolite.

Vijećnik Elvir Vehabović: Hajdi da ja budem posljedni po ovoj tački, samo mala replika predsjedniku Sindikata. Rekao je rečenicu dajte nam sposobnog da rukovodi ovim preuzećeme. Nažalost mi samo možemo izabrati od onih koji se prijave na konkurs ko će biti direktor. Hoće li biti sposoban nije do nas.

Predsjedavajuća Aida Bašić: Hvala lijepo. Da li ima više vijećnika za diskusiju. nema. Zamolit ću predsjednicu Nadzornog odbora obzirom da smo imali pitanja koja su adresirana na vašu adresu i gospođa Pepelar pa evo izvolite.

Dženana Gračić: Sve vas srdačno pozdravljam i selamim. Smatram da je trenutno najbitnije za Komunalno javno društvo što sam ostala u Nadzornom odboru kako bi se nesmetano nastavila obavljati djelatnost istog. Jednom sam podnijela i jednom je povukla. To nije neozbiljnost već opcija na koju svako ima pravo. Vezano za izjavu gospodina Eldisa Kusura, da je predsjednica Nadzornog odbora kriva za gubitak želim da vas podsjetim da sam izabrana za člana Nadzornog odbora u decembru 2022. godine, što je manje od godinu dana. To je što se tiče izjave gospodina Eldisa Kusura. Vezano za ostala pitanja mogu ostali članove.

Predsjedavajuća Aida Bašić: Dženana, želite li da vam ja ponovim pitanja koja su bila direktno upućena?

Dženana Gračić: Može naravno

Predsjedavajuća Aida Bašić: Gospodin Begić, šta je Nadzorni odbor uradio sa nezakonitim otpuštanjem radnika? Ako ste se dogovorili tako može i kolegica da odgovori.

Azra Pepelar: Šta je Nadzorni odbor uradio, Nadzorni odbor nemože uraditi ništa kada je sudska presuda izvršna i kad je to već konačno. Radnik je pravio neke probleme konstatno, bio je i na disciplinskoj, nakon provedene procedure dobio je otkaz i zasta prvostepena Odluka suda je bila u našu korist, međutim nakon žalbe drugostepeni sud je odlučio suprotno. Naravno da se događaju stvari u firmama gdje radnici ili daju otkaz ili dobiju otkaz i najčešće zakon je na strani radnika. To je mnogo većem slučaju nego na strani firme. Nadzorni odbor po nama nema neku tu odgovornost da propituje sudske presude, niti zapošljava radnike, niti ih otpušta. Ja ću odgovoriti pošto je vezano poslije pitanje ne mogu se sjetiti od koga, minuli rad. Da su radnici tužili firmu za minuli rad, to nije tačna informacija. Minuli rad se računao u firmi po Pravilniku o radu i sistematizaciji od dana zaposlenja u Komunalnom javnom društvu do sad ovako ne mogu se tačno sjetiti do 2019. godine i nakon izmjene Pravilnika o radu uvedeno je da se staž računa nebitno gdje je ostvaren. Ja moram priznati da smo pozvani radnike da nam dostave dokaze o stažu, na šta oni nisu, pojedini su reagovali, pojedini ne i uveli smo. Služba računovodstva u skladu sa Pravilnikom je uvela dijelu radnika taj staž od ranije i obračunavala. Oni su to na platnim listama vidjeli kod kolega da im se računa i staž od prethodnih firmi i zahtjevom su se obratili upravi da se i njima računa i da im se obračuna unazad tri godine od kada važi tja novi Pravilnik o sistematizaciji, na šta je uprava reagovala pozitivno i dala rješenje uz dogovor da se minuli

pojedinih radnicima taj za protekle tri godine isplaćuje na rate odnosno da ne tereti odmah tu godinu, jer nije razhod ni nastao u toj godini. Na rate se izmiro taj dug. To nije velik dug, to nije iznos od 10.000 maraka, to je bilo par radnika. Uvažio se zahtjev radnika i nije bilo sudskog spora. Pitanje je bilo i mislim gospodina Begića da u okviru organizacije, servisi i održavanje radi 5 plus 2 radnika, od čega su dva rukovodioca. Samo da vam pokušam objasniti u okviru organizacije za tehničke poslove odnosno vodu i kanalizaciju taj jedinica je podijeljena na dvije organizacione jedinice. Jedna je za servis i održavanje gdje su zaposleni vodoinstalateri koji rade na puknućima svakodnevnim, na priključcima i na svim drugim neophodnim radnjama a da je drugi dio od nekih čini mi se 16 radnika, radi u tzv.tvornici fabrike za proizvodnju vode. Ova dva rukovodioca rukovode te dvije jedinice i radi se o tome da 5 radnika vodoinstalatera ima jednog poslovođu a da ovaj jedan rukovodilac koji je kao izvršni rukovodilac stručno lice on vodi obje jedinice odnosno nadređeni je za 21 radnika. O tome se radi, ovo 5 plus 2 nisu samo 2 za ovih 5 vodoinstalatera već je jedan od rukovodilaca rukovodilac čitavog sektora. Grobna mjesta pitanje je bilo, zašto vam nismo prezentovali koliki je iznos prihod odnosno kako poslujemo sa upravljanem grobnim mjestima. Grobna mjesta za sada nemaju financijskih oscilacija, odnosno pozitivni smo sa prihodom što se tiče grobnih mjesta dok ima mjesta. Mjesta se izdaju u zakupe i prilično to ide godišnje jednak broj. Na godišnjem nivou je za rezervaciju otprilike 7000,00 KM prihoda a značajnijeg razhoda trenutno nemamo, mada navela sam da bi trebalo napraviti u skladu sa osnivačem neku Odluku o finansiranju infrastrukture i možda povećati broj mjesta jer zaista dok imamo mjesta bit će i prihoda. Razhoda značajnog nemamo jer niti jedna radnik nije zaposlen na toj organizacionoj jedinici već je dodato već postojećim radnicima u opis posla. Mislim da je Fikret Delić pitao odakle toliki iznos gubitka, pokušali smo to nekako u proljeće kad je sjednica bila za usvajanje ili neusvajanje Izvještaja objasniti. Iznos od 428.000,00 KM nije nastao odjednom i preko noći ali evo pokušat ću i tu dati neki svoj stav. Od 428.000 maraka viška na razhodima je 165.000 maraka otpisana potraživanja, pretežno pravnim licima, što sam pokušavala objasniti. To su izgubljeni sudski sporovi, zatvorena pravna lica kojima se ne može naplatiti i tačno jasna sudska rješenja gdje stoji da se ne može naplatiti niti od imovine niti od vlasnika takvih firmi. Takve firme su zatvorene prije 15-20 godina, znači taj razhod nije razhod jedne godine da je on nastao otpisom te godine tim pravnim licima već samo što se to stavljalo pod tepih, nije se otpisivalo možda zarad rezultata ranijeg perioda. Mi smo insisitirali kad je bila popisna komisija da se jasno, da oni daju jasno stav da procijene da li je moguća naplata od tih pravnih lica i komisija je također utvrdila koliki su to nije bila samo odluka urave odnosno direktora već je komisija radila na popisu utvrđeno je da se takva potraživanja ne mogu nalaziti. Išlo se i sa prijedlogom Nadzornom odboru uz detaljan prikaz tog stanja i rekli smo ako već firma će poslovati što je izvjesno poslovat će s gubitkom od 260.000,00 KM trebalo bi riješiti i ova potraživanja koja su nastala prije 15-20 godina kako bi sada bili u minusu da ne budemo svake naredne godine kad bi se pomalo otpisivalo. Dalje, još evo razlog gubitka jesu i visoke cijene, jeste i povećana cijena rada jeste i proširena djelatnost i broj radnika je sa 42 2017. godine došao na 51 ili 52 s direktorom će biti ponovo ali moram reći da je i tada kada je bio 41 radnik da smo imali 60% odvoza smeća, da nisu bili svi 100 % uključeni. Da nismo imali upravljanja grobljem, nismo imali parkirališta i da je to sve moralo biti naravno namireno i sa brojem radnika. Neko je rekao i za bruto plaće, bruto plaće radnika da smo možda trebali dati u analizi. Mi zaista to su javne isprave ne možemo davati pojedinačne bruto plate dok ne vidimo saglasnost ili bi morali sakriti ali imate u Izvještaju koliko su plaće ukupne na godišnjem nivou pa se može ako ništa izračunati neki prosjek. Svake godine u Izvještaju o radu kada Vijeće traži dobijete koja je najviša i najniža plata, tako da koga je zanimalo mogli su da vide.

Predsjedavajuća Aida Bašić: Koje komisije Komunalno javno društvo ima, to je Kusr pitao.

Azra Pepelar: Jedina komsija u Komunalnom javnom društvu koja je plaćena jeste Komisija za javne nabavke. Komisija za popis nije plaćena niti bilo koja druga komisija. Komsije radnika koji izlaze na teren za razna premjeravanja, procjenu vrijednosti vozila itd. takve komisije nisu plaćene, plaćena je samo Komisija za javne nabavke. Po meni je ona opravdan trošak zato što mi nemamo zaposlenog referenta za javne nabavke, odnosno ta komisija se sastoji od 3 člana. To su dodatni

poslovi radnicima a javne nabavke iziskuju svakodnevni posao i zaista bi trebale biti plaćene, ako se nekome doda u opis posla i da radi na javnim nabavkama a jako je teško i pratiti zakonske propise i objavljivati tendere i sve ostalo a da ne bude neko narađen za to. To je komisija od 3 člana. Šeha je pitao koliko je uvedeno novih korisnika. 2017. Nemam tačan broj ali znam da je oko 4000, sad nemam, ne mogu baratati svim ciframa u glavi ali je bilo oko 4 hiljade fizičkih lica, danas je 7300 a pravnih lica je bilo 290 danas imamo 420 pravnih lica. Znači uvedeni su prilično svi korisnici ali može se desiti i sada ako neko negdje se odvoji, doseli jako je teško to pratiti ali trudimo se da imamo informacije. Nelegalne priključke jako teško pronaći jer takvi korisnici se priključuju vjerovatno po noći kad niko ne gleda i kako otkrivamo. Evo otkrili smo jednu firmu, uglednu maglajsku firmu koja se priključila na naš vodovod pretpostavljam kad je vod otišao tamo prema Poljicu. Ja neću imenovati ali hajd možda ćete vi i razumjeti o kome se radi. Priključio je zgradu na vodovod, da li je to znao neko ili ne, nama nije poznato. Privatnik je koristio vodu vjerovatno 7,8,9 godina od kada je tamo prošao taj vodovodni sistem i sasvim slučajno smo primjetili kad je nestalo vode navodno on ima svoju vodu jer cijelo vrijeme priča tu priču, kad je nestalo vode neko je prijavio u susjednoj zgradi da nem vode u drugoj zgradi. Naši su izašli na teren i utvrdili da se radi o našoj vodi jer su na licu mjesta ispitali sastav mikrobiološki i količinu hlora u vodi i tako su otkrili da se radi o našoj vodi a kako smo dogovorili, pošto nemamo sankcije za takve sporazumnim dogovorom smo odlučili da plati unazad nekoliko mjeseci neku prosječnu potrošnju iz susjedne zgrade io priključak. Tako da on sada prilično troši fino kubika 200 kubika mjesečno. Mislim da ćemo takvim radnjama doprinjeti tome da će gubici u mreži biti manji. Teško je pronaći jer vjerujte evo na Bijeloj Ploči, nadamo se da će sad kad bude jer imamo informaciju da će ponovo vodovodna mreža da se radi nanovo i da ćemo tada imati konačno broj korisnika i koji će biti priključeni jer sa ovom starom vodovodnom mrežom mi ne možemo ulaziti u posjed u privatne kuće niti utvrđivati ko ima čiju vodu.

Predsjedavajuća Aida Bašić: Imali ste pitanje gospodina Kusura tri radnika koji na određeno vrijeme, ko su ti radnici, vjerovatno misleći na radno mjesto.

Azra Pepelar: To su naši NK radnici, radnici na održavanju javne higijene.

Predsjedavajuća Aida Bašić: Vezano za sudske sporove bilo je pitanje, koliko ima sudskih sporova u toku, da li ima izgubljenih, dobijenih?

Azra Pepelar: Ne mogu vam zaista reći trebali smo pravnu službu možda kontaktirati. Zaista vam nemam broj, nije to bila tema ne mogu reći pošto dio sudskih sporova vode advokatsko društvo Hrnjić i partneri, dio pravna služba. Da ste me prije pitali, mislim nije se mene na ovoj temi to ni ticalo tako da evo konačno vam mogu reći neki drugi put ali zaista pratimo jer su rokovi zastare jako mali. Zastara za fizička lica je godina dana i na tom polju radi jedna radnik pravnik koji mora to da prati. Puno je korisnika. Pravna lica poprilično dobro plaćaju mjesec za mjesec ili nakon nekoliko skupljenih faktura a par pravnih lica, to je manji broj možda negdje do 10 vodimo sudski spor nakon revizije njihovih kvadratura i uvođenja računa kako bi trebali da plaćaju, odnosno ranije nisu tako plaćali.

Predsjedavajuća Aida Bašić: Bilo je pitanje da li je bilo inspekcija u Komunalnom?

Azra Pepelar: Jedina inspekcija koja je bila u proteklih 6 godina od kako sam ja zaposlena je inspekcija rada skoro, prije par mjeseci kad je došla svim javnim ustanovama i preduzećima na teritorij općine Maglaj. Nisu utvrdili ništa izuzev našeg radnika koji je bio po ugovoru o djelu, zna to gospodin Vehabović tada smo imali ugovor za parkinge ispred Doma zdravlja i Osman je bio naš radnik po ugovoru od djelu, nije bio stalno zaposlen. Utvrdila je da samo da on ne bi trebao tu da radi već bi trebao biti zaposlen radnik kao i drugi radnik na naplati parkinga. Nakon te inspekcije uprava nije odlučila da ga zaposli već smo raskinuli ugovor s Domom zdravlja i eto imat ćemo i manje prihode od parkinga zbog tog slučaja.

Predsjedavajuća Aida Bašić: Pitanje gospodina Vehabovića koliko je bilo zaposlenih 2017. i 2018. godine i koliko je danas. Odgovorila je dobro i zašto i ko je kriv što se svima ne naplaćuje isto za komunalne usluge, različiti aršini?

Azra Pepelar: Imali smo mi malo nekih nelogičnosti nakon naslijeđivanja je li prethodne uprave gdje smo pokupali napraviti reviziju i uspjeli smo prilično u tome. 2019. godine sjećamo se priča

kad smo tražili od pravnih lica kvadrature, većina je dostavila i obračun im je bio kako i treba. Teško je dobiti od nekih i podatak ali mi smo to sveli zaista na jako malo odnosno po mom saznanju evo, ne mogu ovako, što se tiče toga mislim da je dobrim dijelom sve ispravljeno ako nešto ne bude ispravljeno bit će usklađeno ako ništa s novim cjenovnikom ili provjere će biti veće. Vijdet ćemo ko to kako plaća ali znam da smo radili revizije, radimo i dan danas i trudimo se da ispravimo nešto što imamo trenutno a što se tiče uvođenja novih korisnika, oni kad se uvode lakše prihvate nešto što moraju platiti nego kad nešto moraju nekome ispraviti. To je onda i sudski spor i s takvim licima jesmo na sudu, jer smo im neke račune ispravili, odnosno nisu plaćali kako su trebali plaćati. Naš jedan od zaključaka jeste da se donese strategija upravljanja otpadom, što će značiti i definisanje odlagališta Nekolj. Nekolj je bio u nadležnosti Općine Maglaj i bila je obaveza da oni vrše neke radnje kako bi se održavalo sve uslovno kako inspekcija traži. Nakon isteka dozvole koju smo imali na 5 godina za odlaganje na deoponiju, prihvatili smo neke obaveze da mi vršimo i razgrtanje i posipanje inertnim materijalom i nabavili smo i kontejner za smještaj radnika. Nabavili smo i bager poseban za te radove, stavili rampu i tako smo ispunili uslov da ponovo dobijemo dozvolu na 5 godina. Ona se svaki put produžuje ali je zaista potrebno da imamo podršku i od strane osnivača kako bi se deponija održavala. Ima puno tu još po inspekcijskom nalogu da se neke stvari trebaju uraditi zaista puno.

Predsjedavajuća Aida Bašić: Po onome što sam ja bilježila mislim da je Azra odgovorila na sva pitanja. Za pijacu šta je bilo pitanje? Neisplativa investicija pijaca.

Azra Pepelar: Neisplativa investicija, pa dobro evo. Kao što je gospođa Svjetlana rekla 2017. godine je Rješenje inspekcije na adresu Komunalnog javnog društva došlo da pijaca mora biti ograđena, s rokom izvršenja. Sjećate se da nije bilo ograđeno, bili su samo stolovi na platou. Mliječne pijace nije bilo, prodavali su se sirevi i suho meso onako na stolovima. Inspekcija kad je došla vidjela je da to tako ne može, moraju biti vitrine koje opet moraju biti u zatvorenom prostoru i mi smo kao neko rješenje privremeno našli da u prostoru Zovke stavimo mliječnu pijacu, koje je bilo neuslovno i tu je trebalo investirati. Samo eto što je zatvoren prostor prihvatili smo i plaćali jedno vrijeme kiriju, onda smo se odlučili da je naravno bolje imati svoj prostor, pa će se to nekad vratiti nego plaćati u nedogled kiriju i opet u neuslovnom. Inspekcija je i tada konstatovala da taj objekat treba renovirati ali naravno najmodavac nije htio a ne možemo ni mi tuđi prostor renovirati i popravljati. Iz tog razloga je Komunalno javno društvo odlučilo da vlastitim sredstvima gradi pijacu i napravili smo i nastrešnicu na bloku jednom. Plan je i za drugi blok da se napravi ali ovaj put ja mislim da uprava neće odlučiti da to bude samo iz vlastitih sredstava, ali eto rješenje inspekcije nas je požurilo a projekata nije bilo osim sada ove godine, kada je bio neki projekat za tržnice. Nije bilo nikakvih drugih prilika da se ugrabe sredstva iz nekih drugih fondova. Što se tiče ugovora i plaćanja Općina ispunjava svoje obaveze a to sada koliki su ugovori to je drugi problem.

Predsjedavajuća Aida Bašić: Hvala Azra. Sada tražim pauzu za članove Kolegija kako bi se usaglasili oko prijedloga zaključaka po tački broj 1. Nastavljamo dalje, evo da upoznam i ostale vijećnike nakon duge diskusije koja je trajala evo već nekih 4 sata, usaglasili smo, znači Kolegij je usaglasio sa menadžmentom i Nadzornim odborom i mogla bih reći da je ovo prijedlog zaključaka Općinskog vijeća. Dozvolili su meni da ove zaključke iščitam ja, da ne čita predstavnik ispred SDP-a obzirom da su jedinstveni i da smo se nekako usaglasili oko većine stvari. Pa evo ja ću pročitati molim vas da pažljivo saslušate i onda ćemo zaključiti diskusiju i glasati o navedenom. Tačka je bila Analiza stanja sa prijedlogom sanacije i finansijske konsolidacije po svim djelatnostima za period od 3 godine uključujući i Plan unutrašnje racionalizacije materijalnih i kadrovskih resursa broj:01-132-3-/23 od 11.09.2023. godine. Analiza sadrži i polugodišnji izvještaj o poslovanju. Prijedlog zaključka broj 1. Utvrditi prilikom donošenja Programa rada Općinskog vijeća Maglaj prijedloge akata koje Općinsko vijeće Maglaj u obavezi donijeti i to u razumnim rokovima a između ostalog i akte koje su pomenute u Analizi stanja sa prijedlogom sanacije i finansijske konsolidacije po svim djelatnostima za period 3 godine uključujući i Plan unutrašnje racionalizacije materijalnih i kadrovskih resursa broj: 01-1312-3/23 od 11.09.2023. godine. Rješiti pravni status vodovoda Ulišnjak i Bijela Ploča, osigurati upotrebne dozvole, Plan upravljanja otpadom, Strategija upravljanja vodama, Odluka o vodovodu i kanalizaciji, Odluka o

izvorištima vode za piće Misurići. Zadužuje se Nadzorni odbor Komunalnog javnog društva i uprava društva uz podršku nadležnih općinskih službi za realizaciju ovog zaključka i rok je 3 mjeseca. Prijedlog Zaključka broj 2. Utvrditi prilikom donošenja Budžeta Općine Maglaj posebnu stavku subvencije komunalnih usluga Komunalnog javnog društva u iznosu od 25.000,00 KM i dostaviti prijedlog kriterija i načina utroška na Općinsko vijeće Maglaj. Zadužuje se Komunalno javno društvo uz Centar za socijalni rad vezano za spisak i kriterije, odnosno za spisak ovakvih lica. Zaključak broj 3. Planirati kompenzaciju nepokretne imovine za zemljište Podborik. Zaudženi Nadzorni odbor Komunalnog javnog društva i nadležna općinska služba. Zaključak broj 4. Utvrditi u Programu rada Općinskog vijeća Maglaj analizu efikasnosti primjene tarifnog modela i cjenovnika po oblastima i djelatnosti, svaka tri mjeseca u 2024. godini i dostavljati najmanje šestomjesečno od strane Nadzornog odbora Komunalno javno društvo Informacija o realizaciji Programa sanacije, realizacije poslovanja Komunalnog javnog društva. Prijedlog zaključka broj 5. Pokrenuti aktivnosti za imenovanje Odbora za reviziju Komunalnog javnog društva Maglaj shodno zakonu. Zadužen za ovo je Nadzorni odbor. Prijedlog zaključka broj 6. Planirati u prvom kvartalu 2024. godine u Programu rada Općinskog vijeća Maglaj Informaciju o problematici parking mjesta u gradu i prigradskim mjestima. Služba za urbanizam se zadužuje i Komunalno javno društvo u cilju poduzimanja mjera za rješavanje istih i sagledavanje mogućnosti obima upravljanja parking mjestima od strane Komunalnog javnog društva. Prijedlog zaključka broj 7. Zadužiti Načelnika, odnosno općinske službe da pruže maksimalnu podršku stručnu i svaku drugu prilikom izrade projekte dokumentacije, to jeste projekata za sredstva različitih domaćih i međunarodnih fondova. Prijedlog zaključka broj 8. Primjeniti zakonske odredbe u slučaju otkrivanja ilegalnih priključaka na vodovod i kanalizaciju. Zadužuju se Nadzorni odbor i uprava Komunalnog javnog društva. Evo nakon pročitanih prijedloga vezanih za tačku broj 1. zaključujem raspravu. Analiza se s prima k znanju te prijedloge zaključaka koje sam pročitala i koji su usaglašeni od svih političkih partija i ovo su prijedlozi zaključaka Općinskog vijeća te ih stavljam na glasanje ko je za?

Glasalo za : Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Anida Šahman, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Aida Bašić (A-SDA), Aida Hadžić (DF), Elvir Vehabović (samostalni vijećnik), Maid Suljaković, Eldin Pehrat, Adis Abdurahmanović, Edin Salatović, Safet Jašić, Mirsad Bejzić, Eldis Kusur, Edin Osmić (SDA), Mirza Mešić (samostalni vijećnik).

Glasalo protiv: Nema.

Uzdržanih: Nema.

Konstatujem da smo jednoglasno usvojili pročitane zaključke, sa 23 glasa za. U Sali za vrijeme glasanja nisu prisutni vijećnici Jasmin Begić (SDA) i Pero Mamić (HDZ BIH).

ZAKLJUČAK

1.1. Prima se k znanju Analiza stanja sa prijedlogom sanacije i finansijske konsolidacije po svim djelatnostima za period od tri godine, uključujući i plan unutrašnje racionalizacije materijalnih i kadrovskih resursa broj: 01-1312-3/23 od 11.09.2023. godine

1.2. Utvrditi prilikom donošenja Programa rada Općinskog vijeća Maglaj prijedloge akata koje je Općinsko vijeće Maglaj u obavezi donijeti i to u razumnim rokovima, a između ostalog i akte koji su pomenuti u Analizi stanja sa prijedlogom sanacije i finansijske konsolidacije po svim djelatnostima za period od tri godine, uključujući i plan unutrašnje racionalizacije materijalnih i kadrovskih resursa broj: 01-1312-3/23 od 11.09.2023. godine.

Riješiti pravni status vodovoda Ulišnjak i Bijela Ploča, osigurati upotrebne dozvole, donijeti Plan upravljanja otpadom, Strategija upravljanja vodama, Odluka o vodovodu i kanalizaciji, Odluka o izvorištima vode za piće Misurići.

Zadužuje se Nadzorni odbor i uprava Komunalnog javnog društva doo Maglaj uz podršku svih nadležnih općinskih službi za realizaciju ovog zaključka i rok je 3(tri) mjeseca.

1.3. Utvrditi prilikom donošenja Budžeta Općine Maglaj posebnu stavku „Subvencije komunalnih usluga Komunalno javnog društva doo Maglaj u iznosu od 25 000 KM i dostaviti prijedlog kriterija i način utroška na Općinsko vijeće Maglaj.

Zadužuje se Komunalno javno društvo doo Maglaj uz Centar za socijalni rad, vezano za spisak lica u stanju socijalne potrebe za realizaciju ovog zaključka.

1.4. Planirati kompenzaciju nepokretne imovine, zemljište za zemljište Podborik.

Zadužuje se Nadzorni odbor Komunalno javnog društva doo Maglaj i nadležna općinska služba.

1.5. Utvrditi u programu rada Općinskog vijeća Maglaj analizu efikasnosti primjene tarifnog modela i cjenovnika po oblastima i djelatnosti, svaka tri mjeseca u 2024. godini i dostavljati najmanje šestomjesečno od strane Nadzornog odbora Komunalno javnog društva doo Maglaj Informaciju o realizaciji Programa sanacije poslovanja Komunalno javnog društva doo Maglaj.

1.6. Pokrenuti aktivnosti na imenovanju Odbora za reviziju Komunalno javnog društva doo Maglaj shodno zakonu. Za realizaciju ovog zaključka se zadužuje Nadzorni odbor Komunalno javnog društva doo Maglaj.

1.7. Planirati u prvom kvartalu 2024. godine u Programu rada Općinskog vijeća Maglaj Informaciju o problematici parking mjesta u gradu i prigradskim mjestima, gdje se zadužuje Služba za urbanizam, geodetske i imovinsko pravne poslove i Komunalno javno društvo doo Maglaj, u cilju preduzimanja mjera za rješavanje istih i sagledavanja mogućnosti proširenja obima upravljanja parking mjestima od strane Komunalno javnog društva doo Maglaj.

1.8. Zadužiti Načelnika, odnosno općinske službe da pruže maksimalnu podršku, stručnu i svaku drugu prilikom izrade projektne dokumentacije tj. projekata za sredstva različitih domaćih i međunarodnih fondova.

1.9. Primjeniti zakonske odredbe u slučaju otkrivanja ilegalnih priključaka na vodovod i kanalizaciju. Za realizaciju zaključka zadužuje se Nadzorni odbor i Uprava Komunalno javnog društva doo Maglaj.

AD 2. Odluka o utvrđivanju cijena isporuke vode, odvodnje kanalizacije i prikupljanja i odvoza komunalnog otpada broj: 01-1312-3-1/23 od 11.09.2023. godine

Predsjedavajuća Aida Bašić: Prelazimo na tačku 2. Odluka o utvrđivanju cijene isporuke vode, odvodnje kanalizacije i prikupljanja i odvoza komunalnog otpada broj: 01-1312-3-1/23 od 11.09.2023.godine. Također, otvaram raspravu naravno i dužna sam da vas upoznam da i vezano za ovu tačku na isti način smo uradili. Usaglasili smo par zaključaka koje ću pročitati. Zaključak broj 1. Nakon tri mjeseca od primjene nove Odluke o utvrđivanju cijena isporuke vode i odvodnje kanalizacije, prikupljanje i odvoza komunalnog otpada broj: 01-1312-3-1/23 od 11.09.2023. godine, Nadzorni odbor je dužan dostaviti finansijske pokazatelje o efikasnosti primjene ovih cijena. Nakon dostavljenog izvještaja Općinsko vijeće će se očitovati o daljnjim koracima po navedenom. Zaključak broj 2. Uspostaviti Komisiju Općinskog vijeća Maglaj koja će imati nadležnost koordinacije i praćenja efekata provedbe propisa pružanja komunalnih usluga i cijena prema krajnjim korisnicima. Komisiju će činiti članovi Kolegija i to Aida Bašić, Aida Hadžić, Maid Suljaković, Senad Šehić, Mirza Mešići, Elvir Vehabović i Mustafa Bešić. Prijedlog zaključka broj 3. Odmah i bez odlaganja na vidnom mjestu na web stranici Komunalnog javnog društva Maglaj, Službenim novinama Općine Maglaj objaviti cjenovnik Komunalnog javnog društva sa Odlukom o saglasnosti na iste od strane Općinskog vijeća Maglaj. To su tri zaključka koji se odnose na tačku 2. Da li ima diskutanata? Nema. Stavljam Odluku na glasanje uz prijedlog zaključaka koje sam pročitala, ko je za?

Glasalo za : Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Anida Šahman, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Aida Bašić (A-SDA), Aida Hadžić (DF), Elvir Vehabović (samostalni vijećnik), Maid Suljaković, Eldin Pehrat, Adis Abdurahmanović, Edin Salatović, Safet Jašić, Mirsad Bežić, Eldis Kusur, Edin Osmić (SDA), Mirza Mešić (samostalni vijećnik).

Glasalo protiv: Nema.

Uzdržanih: Nema.

Konstatujem da smo sa 23 glasa za usvojili Odluku i prijedlog zaključaka koji su navedeni.

ZAKLJUČAK

2.1. Donosi se Odluka o davanju saglasnosti na Odluku o utvrđivanju cijena isporuke vode, odvodnje kanalizacije i prikupljanja i odvoza komunalnog otpada broj: 01-1312-3-1/23 od 11.09.2023. godine

2.2. Nakon tri mjeseca od primjene nove Odluke o utvrđivanju cijena isporuke vode, odvodnje kanalizacije i prikupljanja i odvoza komunalnog otpada broj: 01-1312-3-1/23 od 11.09.2023. godine Nadzorni odbor Komunalno javnog društva doo Maglaj je dužan Općinskom vijeću Maglaj dostaviti finansijski pokazatelj o efikasnosti primjene ovih cijena. Nakon dostavljenog izvještaja o finansijskim pokazateljima Općinsko vijeće Maglaj će se očitovati o daljim koracima po navedenom.

2.3. Uspostaviti Komisiju Općinskog vijeća Maglaj koja će imati nadležnost koordinacije i praćenja efekata provedbe propisa, pružanja komunalnih usluga i cijena prema krajnjim korisnicima. Komisiju će činiti članovi Kolegija u sastavu: Aida Bašić, Aida Hadžić, Maid Suljaković, Senad Šehić, Mirza Mešić, Elvir Vehabović i Mustafa Bešić.

2.4. Odmah i bez odlaganja na vidnom mjestu, na web stranici Komunalno javnog društva doo Maglaj, kao i Službenim novinama Općine Maglaj objaviti cjenovnik Komunalnog javnog društva sa Odlukom o saglasnosti na iste od strane Općinskog vijeća Maglaj.

AD 3. Odluka broj: 01-1312-3-2/23 11.09.2023. godine o izmjeni Odluke o formiranju cijena pijačnih usluga na Gradskoj pijaci u Maglaju broj: NO-4/19 od 18.02.2019. godine

Predsjedavajuća Aida Bašić: Tačka broj 3. Odluka broj: 01-1312-3-2/23 od 11.09.2023. godine o izmjeni Odluke o formiranju cijena pijačnih usluga na gradskoj pijaci u Maglaju broj: No-4/19 od 18.02.2019. godine. Također stav Kolegija ću iznijeti a on glasi da se ne treba dodatno opterećivati korisnici koji koriste usluge, odnosno pružaju usluge na pijaci i da to povećanje neće imati nekog većeg finansijskog efekta. Ovu Odluku stavljam na glasanje ko je za?

Glasalo za : Nema

Glasalo protiv: Nema.

Uzdržanih: Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Anida Šahman, Firuz Galijašević, Senad Šehić, Samir Fetić, Fikret Deliće (SDP), Mustafa Bešić (samostalni vijećnik), Aida Bašić (A-SDA), Aida Hadžić (DF), Elvir Vehabović (samostalni vijećnik), Maid Suljaković, Eldin Pehrat, Adis Abdurahmanović, Edin Salatović, Safet Jašić, Mirsad Bejzić, Eldis Kusur, Edin Osmić (SDA), Mirza Mešić (samostalni vijećnik).

Konstatujem da Odluka nije dobila potrebnu većinu i da je 23 vijećnika uzdržano vezano za ovu Odluku.

ZAKLJUČAK

3.1. Nema potrebe za dodatnim opterećenjem licima koja pružaju usluge na Gradskoj pijaci i povećanje cijena pijačnih usluga neće imati nekog većeg finansijskog efekta.

3.2. Općinsko vijeće Maglaj ne daje saglasnost na Odluku o izmjeni Odluke o formiranju cijena pijačnih usluga na Gradskoj pijaci u Maglaju broj: NO-4/19 od 18.02.2019. godine.

AD 4. Prijedlog Odluke o standardima pružanja komunalnih usluga vodosnabdijevanja, odvodnje otpadnih voda i prikupljanja i odvoza komunalnog otpada

Predsjedavajuća Aida Bašić: Prelazimo na tačku 4. a to je Prijedlog Odluke o standardima pružanja komunalnih usluga vodosnabdjevanja, odvodnje otpadnih voda i prikupljanja otpadnih voda i prikupljanja i odvoza komunalnog otpada. Otvaram raspravu, zatvaram raspravu. Ko je za?

Glasalo za : Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Anida Šahman, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Aida Bašić (A-SDA), Aida Hadžić (DF), Elvir Vehabović (samostalni vijećnik), Maid Suljaković, Eldin Pehrat, Adis Abdurahmanović, Edin Salatović, Safet Jašić, Mirsad Bežić, Eldis Kusur, Edin Osmić (SDA), Mirza Mešić (samostalni vijećnik).

Glasalo protiv: Nema.

Uzdržanih: Nema.

Konstatujem da sa 23 glasa za smo usvojili ovu Odluku.

ZAKLJUČAK

4.1. Donosi se Odluka o standardima pružanja komunalnih usluga vodosnabdjevanja, odvodnje otpadnih voda i prikupljanja i odvoza komunalnog otpada

AD 5. Prijedlog Tarifnog sistema za obračun usluga isporuke vode, odvodnje kanalizacije i prikupljanja i odvoza komunalnog otpada

Predsjedavajuća Aida Bašić: Prelazimo na tačku 5. Prijedlog tarifnog sistema za obračun usluga isporuke vode, odvodnje kanalizacije i prikupljanju odvoza komunalnog otpada. Otvaram raspravu, zatvaram raspravu. Ko je za?

Glasalo za : Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Anida Šahman, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Aida Bašić (A-SDA), Aida Hadžić (DF), Elvir Vehabović (samostalni vijećnik), Maid Suljaković, Eldin Pehrat, Adis Abdurahmanović, Edin Salatović, Safet Jašić, Mirsad Bežić, Eldis Kusur, Edin Osmić (SDA), Mirza Mešić (samostalni vijećnik).

Glasalo protiv: Nema.

Uzdržanih: Nema.

Konstatujem da sa 23 glasa za smo usvojili ovu Odluku.

ZAKLJUČAK

5.1. Donosi se Tarifni sistem za obračun usluga isporuke vode, odvodnje kanalizacije i prikupljanja i odvoza komunalnog otpada.

Zaduženje: Nadzorni odbor Komunalno javnog društva doo Maglaj i Uprava Komunalno javnog društva doo Maglaj, Služba za privredu, finansije/financije i razvoj poduzetništva i Služba Općinskog načelnika i Općinskog vijeća.

AD 6. Prijedlog Odluke o davanju saglasnosti na Odluku o usvajanju Revizije finansijskih izvještaja za period 01.01. – 31.12.2022. godine

Predsjedavajuća Aida Bašić: Prelazimo na tačku 6. a to je Prijedlog Odluke o davanju saglasnosti na Odluku o usvajanju revizije finansijskih izvještaja za period 01.01.-31-12-2022. godine. Otvaram raspravu, zatvaram raspravu. Ko je za?

Glasalo za : Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Anida Šahman, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Aida Bašić (A-SDA), Aida Hadžić (DF), Elvir Vehabović

(samostalni vijećnik), Maid Suljaković, Eldin Pehrat, Adis Abdurahmanović, Edin Salatović, Safet Jašić, Mirsad Bejzić, Eldis Kusr, Edin Osmić (SDA), Mirza Mešić (samostalni vijećnik).

Glasalo protiv: Nema.

Uzdržanih: Nema.

Konstatujem da sa 23 glasa za smo usvojili ovu Odluku.

ZAKLJUČAK

6.1. Donosi se Odluka o davanju saglasnosti punomoćniku državnog kapitala za glasanje o prijedlogu Odluke o pokriću gubitka za 2022. godinu

Zaduženje: Nadzorni odbor Komunalno javnog društva doo Maglaj i Uprava Komunalno javnog društva doo Maglaj, Služba za privredu, finansije/finansije i razvoj poduzetništva i Služba Općinskog načelnika i Općinskog vijeća.

AD 7. Prijedlog Odluke o davanju saglasnosti na Odluku o pokriću gubitka za 2022. godinu

Predsjedavajuća Aida Bašić: Prelazimo na tačku 7. a to je Prijedlog Odluke o davanju saglasnosti na Odluku o pokriću gubitka za 2022. godinu. Otvaram raspravu, zatvaram raspravu. Ko je za?

Glasalo za : Svjetlana Zamboni, Elvir Arnautović, Jasmin Đuhara, Arif Mujkanović, Almin Smailović, Anida Šahman, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Aida Bašić (A-SDA), Aida Hadžić (DF), Elvir Vehabović (samostalni vijećnik), Maid Suljaković, Eldin Pehrat, Adis Abdurahmanović, Edin Salatović, Eldis Kusr, Edin Osmić (SDA), Mirza Mešić (samostalni vijećnik).

Glasalo protiv: Nema.

Uzdržanih: Safet Jašić, Mirsad Bejzić (SDA).

Konstatujem da smo sa 21 glasa za usvojili ovu Odluku, dva vijećnika su uzdržana.

ZAKLJUČAK

7.1. Donosi se Odluka o davanju saglasnosti punomoćniku državnog kapitala za glasanje o prijedlogu Odluke o usvajanju Revizije finansijskog izvještaja za 2022. godinu.

Evo nakon što smo usvojili navedene Odluke, konstatujem da je prva tematska sjednica završena u 20,20 sati.

Zapisničar

Elza Gračić



